

“Prevencion di Crimen den Bario”

Dia 20 di Juni na
MFA Savaneta



URATACA CENTER

Awe 16 Juni


Pasta Chicken Alfredo,
Garlic Bread & Ceasar salad

585 5212

CASO DI GOBIERNO
Y OTMAR VS. MIKEL
WILLIAMS...

**DEFENSA DI
WILLIAMS TA PUNTRA:
TA CU CUANTO MIDI
GOBIERNO TA MIDI ?**

Ivan Duque presidente di Colombia



Mas Sorpresa den Copa Mundial Russia 2018 ariba Dia di Tata: Mexico -Alemania 1-0



Locual Mike de Meza ta lubida conta pueblo:

Gabinete Mike Eman a priva pueblo di haya un extra reduccion di prijs di coriente y di awa

Ta increíble con e parlamentario Mike de Meza kende durante e periodo cu e tabata Minister di Finanzas (2010-2014) a percura pa crea deficitnan acumula di 1.7 biyon florin cu un crecimiento di nos debe nacional te na 3.9 biyon florin y kende a converti su mes den e tata spiritual di e KB di 2014, awe kier sigui manipula mente di pueblo bisando cu AVP a percura pa e prijs di awa no a subidesde 2012. Hecho ta cu enberdad e prijs di awa a baha na 2012, pero esaki no tabatadebina e maneho hiba pa e ex-minister aki y su gobierno di AVP.

Reconocemento pa Gabinete Oduber

Pa refresca sr. de Meza su memoria, na Juni 2012 director di WEB N.V. a emiti un comunicado oficial caminda el'a declaracu "entrante Juli 2012 WEB ta baha su tarifa di awa y esaki ta danki na finalizacion di e plantanan di coriente RECIP III, e plantanan di awa SWRO II y bahada di prijs di combustibel". Alavez e director di WEB N.V. a bisa cu "e ta contento cu porfin nan esfuerzonan pa haci eficiencia y haci INVERSIONNAN GRANDI for di año 2006 baya riba, awor ta duna su fruta". Sin duda cu e declaración aki tabata un reconocimiento directo na Gabinete Oduber y MEP cu for di 2006 caba a percura pa WEB haci tur e inversionnan necesario, tanto den e plantanan di coriente RECIP como e plantanan di awa SWRO (Seawater Reverse Osmosis). Tambe no mester lubida cu tabata e gobierno di MEP a percura pa bin cu e parke di molina na Vader Piet cu tambe a yuda estabiliza e prijs di utilidadnan. Pero tur esaki, sr. De Meza kier pa pueblo lubida.

Reduccion prijs di crudo

Sin embargo mester constata

cu e reduccion di prijs di awa y coriente cu sr. De Meza ta gaba di dje no a resulta den un reduccion substancial cuawe e kier pretende. Pa comproba esaki partido MEP a haci un comparacion di e situacion di prijsnan di crudo, coriente y awa laga atras ora cu MEP a bandona gobernacion na November 2009 y e situacion di e prijsnan ora cu AVP a bandona gobernacion na November 2017. Nos por mira cu den 8 año e prijs di crudo a baha cu 26% mientras cu e prijs di coriente a baha cu solamente 11% y prijs di awa a baha cu 12%. Pues e gobierno di AVP a priva pueblo di haya un extra reduccion di prijs di coriente cu 15% y un extra reduccion di prijs di awa cu 14%. Un diferencia hopi grandi cu e pueblo consumidor no a disfruta di dje durante tur e añanan aki. Te hasta a yega asina leu cu na Februari 2016 e prijs di crudo a baha te na un minimo record di 30 dollar pa bari y pueblo no a mira nada di esaki den reduccion substancial di e prijs di awa y coriente!

E hedging di Mike de Meza

Y tur esakitahiba nos na e famoso hedging corruptivo di Mike de Meza. Awe De Meza kier laba su man manera Poncio Pilato bisando cu e no tabata di acuerdo cu WEB a bay over na hedge pa 90-95 porciento pa un periodo di dos año. Ki hilaridad! Pero no tabata e mesun de Meza aki tempo cu e tabata minister a declara den Parlamento cu – debí cu e prijs di crudo lo aumenta drásticamente y yega te na 500 dollar pa bari – e tabata kier pa WEB N.V. hedge te na 100% mes? Ta kens de Meza a kere cu e pueblo aki a bira cu pueblo no ta corda mas e declaración aki? Hecho ta cu tabata danki na e mesun hedging aki di de Meza na Oktober 2014 prijs di coriente a aumenta den un solo tiro cu 15%, te cu esaki a conduci na protesta di pueblo



	Prijs Crudo (\$/bbl) WTI	Coriente (in Afl.)	Awa (in Afl.)
Nov. 2009	76.19	299.51	156.40
Nov. 2017	56.23	265.65	137.05
Reduccion	-26%	-11%	-12%

dilanti di Bestuurskantoor y cu e gobierno di AVP a laga Riot Comando bati e manifestantenan formalmente.

Finalmente, Mike de Meza mester realiza cu el'a fracasa como minister tanto pa loke ta e situacion financiero di pais Aruba cu el'a laga den un desaster atras como e

desaroyo di e prijsnan di utilidadnan por medio di su famoso hedging cu a ranca y horta mas di 300 miyon florin for di cartera di nos consumidoman.

Remetido

Entrada Extra

Caba di lesa un articulo interesante den Solo di Pueblo di dia 12 di Juni ultimo titula “Sembra (mala hierba) y lo cosecha (mala hierba).

Aki den ta papia di: CAFT, un CAFT cu ta mes o mas culpabel cu e situacion deplorabel cu nos ta den actualmente. Ami lo dedica solamente riba e tema di GASTONAN DI PERSONAL. Pa mi pa un economia di un pais draai y funciona, bo mester di tin trabao. Companianan cu ta duna oportunidad di trabao ta haci esaki pa puro ganashi riba lomba di un pueblo. Mira tur esnan cu ta explota minanan di oro, diamante, tur otro sorto di metal y mineral. E ganashi ta pa nan. Nan ta paga solamente un salario miserable cu mas di 10% di easki ta bai bek pa gobierno. E otro dunador di trabao ta gobierno. Y aki solamente mi ta referi na e gobierno di ARUBA. Ni un gobierno mas. Desde cu Aruba a wordo descubri pa Alonso de Ojeda e problemanan a cuminsa. Tur kier a bira rico di un dia pa otro riba e lomba di Aruba. Cu a dura te cu 1985. Cuminsando di 1986 pa awe. Atrobe pa Aruba a progresa mester tin un entrada. Solamente gobierno tabata duna e entrada cu awe Aruba ta progresando via di GASTONAN DI PERSONAL.

Si e personal cu ta forma parti di e GASTONAN DI PERSONAL no tin caminda pa bay, no tin trabao pues no tin entrada di kico CAFT - cu by the way solamente ta defende “boven de streep en niet onder de streep” ta palabranan di ken???? – kier pa nos biba anto???

A nos mester sigui traha pa otronan, specialmente pa esnan “boven de streep”. Toch no. E rikeza di Aruba ta di Aruba. A nos mester disfruta prome despues otronan y no pa robez.

Un otro alinea interesante: “Den curso di algun anja, esaki lo genera centenaries di miyon di florin”.

Mi a puntra diferente hende kico nan lo haci si pa otro luna nan tin un Miyon florin extra na nan entreda. Si nan tin caba un idea con pa gasta/inverti e un miyon aki?? Mescos ta conta pa gobierno.

Kico ta haci gasta/inverti si fin di luna gobierno tin decenas di biyones di florin. E idea, e plan tey caba na kico ta gaste o inverti e pa cu Aruba????

Sans rancune! SF

Caso di Gobierno y Otmar vs. Mikel Williams...

Defensa di Williams ta puntra: Ta cu cuanto midi Gobierno ta midi ?

Den e caso cu a tuma lugar den corte diabierna ultimo, e defensa di Mikel Williams a trece varios punto dilanti. Un di e puntonan ta basa riba e hecho den pasado, varios otro persona, den nan calidad di politico, a tilda sr. Otmar Oduber riba proyectonan dudoso y te hasta den pasado Sr. Eddie Briesen cu ta ex - minister a declara den prensa cu tur e proyectonan di Otmar ta “pro forma”, pasobra tur destaho publico cu Otmar tene, di antemano tur hende sa ken te ganador.

E defensa di sr. Williams a puntra huez ta na unda Gobierno di e tempo ey a keda y unda Minister Otmar Oduber a keda, dia cu Eddie Briesen a duna tal declaracion, cual no ta nada diferente loke cu sr. Williams a trece dilanti.

Esaki ta motibo cu sr. Williams ta defende su mes, bisando cu Gobierno ta midi cu dos midi.

E punto aki a capta huez su atencion, pasobra na momento cu huez a hiba un discurso y haci algun pregunta, e tabata “baha pisa” riba e abogado di Gobierno, sr. Michel Kock, puntrando si ta cada vez Gobierno lo bini corte awor,



ora cualke ciudadano bisa algo di Gobierno.

Ademas, Huez den prome instante a hiba tur loke Sr. Mikel Williams a declara, como un “opinion”. Abogado di Gobierno tabata rechasa e alegacion di huez, y huez a keda persisti, cu aki ta trata di un opinion, pasobra loke Gobierno ta reclama, ta un fragmento di e totalidad. Huez a bay asina leeuw pa puntra Sr. Michel Kock: Ta con un persona desde awe lo mester duna un opinion? E mester bisa “flash flash”, esaki ta un opinion? Pa cada frase cu un persona papia, e mester cuminsa inclui “flash falsh” den su palabranan?

Mientras cu abgado di

Gobierno ta alega cu aki tin un acusacion serio den direccion di Minister Otmar Oduber y e proyecto di dump, defensa di Williams tabata persisti cu e abogado di gobierno, cu mal intencion, a laga afor e prome parti di e declaracion y e ultimo parti di e declaracion, unda cu Mikel Williams na 10 ocasion tabata usa e palabra “mi ta puntra”, “Otmar mester bin splica”, “e pregunta ta”. Huez tabata tuma nota di tur e puntonan cu a keda treci dilanti mientras cu e tribune di corte, unda tabatin 30 persona sinta, tabata bati man pa e defensa di Mikel Williams, cual a wordo treci dilanti pa sr. Wilson, kende alavez a hiba bon palabra dilanti corte.

Chauffeur a dal auto staciona na Boliviastraat y a sigui core bay


Diabierna anochi a drenta informe di un accidente na Boliviastraat. Mesora a dirigi un patruya pa e sitio. Na yegada di e patruya a bin compronde cu aki ta trata di un accidente hit and run unda cu un chauffeur bayendo pariba den Boliviastraat a bay dal tras di un Chevrolet Aveo. Despues di e impacto e chauffeur a dal a reverse y a bandona e sitio manera cu nada a pasa. Pero despues di e sonido di impacto tabata tin testimonio cu a core sali pafor wak kico a pasa y a logra mira e auto bandona e sitio. Nan a tuma e number y e tipo di auto pa polis.

Den transcurso di dia polis di trafico lo pasa cerca esun cu a core bay y ta core riesgo di cu detene y/of confisca e auto si acaso e no presenta prome na warda di polis na Balashi.



Chauffeur burachi a accidenta cu auto cumprá un dia prome

E tabata core sin seguro



Diadomingo mainta tempran a drenta informe di un accidente na Seroe Blanco. Mesora a dirigi un patruya pa e sitio. Na yegada di e patruya a bin compronde cu un chauffeur burachi

coriendo auto cu apenas el'a compra un dia prome, E tabata core sin seguro. El'a bay dal un pickup staciona y despues kier a reverse bay y a bay dal den 2 auto mas. E chauffeur no por a

bay pasobra e baki pickup a keda pega riba su hood di auto. Polis mesora a detene e chauffeur cu tabata burachi.

Invitacion pa un reunion diamars 20 di Juni na Sede di FTA na San Nicolas pa 3:00 pm

Na tur pensionado cu ta cobra via SVb Corsou.

Adhunto comunicado cu a sali e siman aki den matutino Bondia y Solo di Pueblo; tambe mi a pidi OPPA pa informa nan grupo di pensionado.

Nos grupo a crece un tiki compara cu siman pasa y awor nos ta cu 67 pensionado, un danki p'esey.

Nos meta ta pa haci un caso den Corte contra gobierno di Corsou pa Huez duna veredicto. Mi a haya confirmacion di SVb Aruba cu tin mas di 1000 persona ta cobra pensioen di SVb Corsou aki na Aruba.

Pa sera conoci cu otro personalmente y tambe scucha otro su opinion riba e topico delicado aki, mi ta organiza un reunion pa diamars dia 19 awor pa 15.00 or na sede di sindicato FTA na San Nicolas.

Si bo persona a reacciona den nomber di un persona cu no tin e-mail, por favor pasa e informacion.

Parlamentario Endy Croes di MEP:

Mike De Meza mester tin berguenza di e desaster cu el'a causa y ainda kier sigui manipula



Parlamentario Endy Croes ta splica cu e politiconan di AVP ta sin gevoel y sin cuero di cara. No obstante cu tur hende ta na altura di e desaster cu AVP a causa unda hasta Staatssecretaris Hulandes, sr. Raymond Knops a reconfirma esaki recientemente den un declaracion televisa cu ultimo 8 añanan e debe nacional di pais Aruba a crece di 40% te rond 90% y a yama esaki cu tur su razon "ZEER DRASTISCH". Asina el'a tipifica e maneho di Mike Eman y Mike de Meza y AVP.

E tristo berdad sunu

Diahuebs ultimo por a scucha Mike De Meza, e autor intelectual di e desaster financiero, den un conferencia di prensa ta splica textualmente: "Pasobra ora nos a drenta gobierno Aruba tabata den un situacion fragil, un situacion casi den bancarota". Asina Mike Eman y Mike De Meza a gaña y manipula pueblo di Aruba desde 2009 cu nan a drenta gobernacion papiando di un drama cu nunca tabata existi. Adhunto cifranan di Banco Central cu ta confirma cu nos debe nacional na 2008 tabata 41.7%, pues manera Raymond Knops tambe a

bisa y cu den 8 año bo por mira con AVP a redobla e debe. Cifranan di Banco Central ta yega te 2016 unda por mira cu esaki a alcanza 84% y na 2017 esaki a alcanza 90%. Pues na 2008 (MEP) di cada florin cu drenta caha di gobierno 41.7 cent tabata comprometi na debe y gobierno ta keda cu 58.3 cent pa rond su pais, esta paga salario, inverti den educacion, infraestructura etc etc. Na 2017 despues cu Mike de Meza y Mike Eman a "habraca" e pais aki na un manera nunca bisto nan a logra hinca Aruba den e situacion deplorable unda di cada florin cu drenta caha di gobierno 90 cent ta comprometi na debe y gobierno ta resta apenas 10 cent di cada florin pa maneha pais Aruba. Esaki ta e tristo berdad sunu. Ainda Mike de Meza tin e curashi diahuebs ultimo pa purba sigui manipula y engaña e pueblo aki unda rapportnan ta papia cla y contrario na locual Mike kier purba splica.

AVP a suta pueblo cu medida

Un otro fragmento textualmente di Mike De Meza den su conferencia di prensa ta lo siguiente: "Ora nos a drenta gobernacion

	MEP	MEP	AVP	AVP	AVP	AVP	AVP	AVP	AVP
	2008	2009	2010	2011	2012	2013	2014	2015	2016
Tot.Revenue	1365.1	1110.2	1185.9	980.8	1020.7	1142.9	1117.9	1211.5	1220.7
Tot.Expenditure	1290.5	1230.5	1339	1284.3	1440	1438.2	1490.4	1366.4	1372.6
Financial Deficit	51.4	-163.1	-188.6	-325.2	-443.3	-332.8	-405.8	-184.6	-177.3
Outst. Debt	2051.4	2230.1	2400.7	2802.1	3067.8	3419.6	3882.1	3931	4025.3
Debt /GDP(%)	41.7	49.9	56.1	61.4	67.6	74	81.9	81.6	84.3

	2011	2012	2013	2014	2015	2016
REAL SECTOR						
Mid-year population (x 1,000)	102.8	104.6	106.4	107.8	109.2	110.3
GDP at market prices	4,564	4,537	4,621	4,743	4,820	4,774
Real GDP	3,212	3,168	3,301	3,329	3,314	3,307
Real GDP growth (in percent)	3.5	-1.4	4.2	0.8	-0.5	-0.2
Nominal GDP per capita (x Afl.1,000)	44.4	43.4	43.4	44.0	44.1	43.3
Real GDP per capita (x Afl.1,000)	31.2	30.3	31.0	30.9	30.3	30.0

nos a scoge pa engrandece economia y no pa tuma medida".

Con sincero Mike de Meza ta cu pueblo? AVP a tuma casi 30 medida contra pueblo. AVP a introduci 2% di BAZV, esaki no ta medida? AVP a hisa edad di pensioen manera raton den anochi di 60 pa 65 año, esaki no ta medida? AVP a aumenta tarifa di inkomstenbelasting y loonbelasting na 2012, esaki no ta medida? AVP a aumentagrondbelasting 1 Januari 2012 cu 15% di propiedad, esaki no ta medida? AVP a aumenta prima di AOV cu 2%, esaki no ta medida?

AVP a aumenta aanmaning cu tabata 1 florin pa 10 florin, esaki no ta medida? AVP a introduci koersmargin vergoeding, esaki no ta medida?

Asina mi tin un lista largo pa Mike de Meza y AVP pa nos kita su mascarada di gañamento y confront'e cu e realidad. Alavez riba su declaracion cu asconde pa engrandece economia,

awe nos ta publica rapport di Banco Central y kier pa pueblo mes mira cu propio wowo. Lesa "Real GDP growth", pues crecimiento economico na 2012 (-1.4%), na 2015 (-0.5%), na 2016 (-0.2%) y na 2017 tambe tabata negativo. Pues no tabata tin crecimiento economico y economia ta stagna cu crecimiento negativo. Pues nada pero

nada cu Mike de Meza a papia ta berdad y adhunto e pruebanan. Parlamentario Croes ta termina bisando cu e ta spera cu un dia politiconan di AVP por bira sincero y stop di hunga cu dolor di pueblo cu avalancha di mentira pa trece desbalance den nos comunidad. Netjes lo ta pa bo tuma bo retiro for di politica.





SERLIMAR

Kockstraat 4 San Nicolaas
Tel: 524-5080

NOS RESPONSABILIDAD DI LIMPIESA TA
E MIHOR HERENCIA

Ex - docente y actual parlamentario di MEP, Sue-Ann Ras:

Orguyoso di logro di examen di su ex - school: Filomena College Mavo



Un aña escolar pa hopi alumno di examen ta tras di lomba y speranza tin ainda pa algun, cu sigur tabata tin un fin di siman hopi intensivo di estudio y dedicacion, pa logra pasa nan her examen e siman aki. Parlamentario pa partido MEP Sue-Ann Ras, tabata docente

na Filomena College, prome cu el'a bira Parlamentario. P'esey e resultado di examen na un school specifico, Filomena College, tabata special p'e. "Despues di e tremendo resultado di diarazon atardi, unda cu 85% di e alumnonan di Filomena College MAVO, pues

42 alumno di 52, a pasa nan examen ya den e prome tanda; poco poco e resultadonan di e otro schoolnan tambe a cuminsa bira conoci y finalmente pa di 2 aña consecutivo, Filomena College MAVO ta logra posiciona su mes na di 2 lugar entre e schoolnan di MAVO na Aruba," Ras a cuminsa na bisa.

POTENCIAL

"Hopi biha, como docente, bo ta sinti, cu nos no ta logrando saca tur potencial di nos alumnonan y esey ta trece cierto sentimiento di frustracion, den mi caso sigur. Mi ta sinti y ta convenci cu nos curiculo ta carece di brinda espacio na formacion total di un ser humano, mas ainda den e temponan difcil y desafiante cu nos ta den dje. Un mucha y hoben tin mester di e habilidadnan social tambe, pa logra surpasa cierto obstaculo

den bida y no solamente e habilidadnan academico," Ras a sigui bisa. Ras ta orguyoso di e tremendo resultado aki di Filomena College MAVO, ya cu manera a indica caba, te cu November aña pasa, ainda e tabata forma parti di e team dinamico y dedica aki y tabatin e funcion di coordinador di klas 4 y mentrix, ya pa 3 aña. "Mi coleganan, specialmente juffr. Leslie y mr. Aroeman ta docente dedica y cu ta traha cu curazon pa nos alumnonan, sin laga afor, henter e team di docente, directiva y staf. Manera mi a bisa aña pasa, esaki ta un logro di un team, un team cu ta inclui tambe, e alumnonan, e mayornan y den e caso aki Rotaract. Mi ta di opinion, cu enseñanza mester ta algo colaborativo y cu caracter di tin partner cu responsabilidad social," Ras a sigui bisa.

MIHOR GRADUADO

Un palabra di pabien ta bay na e mihor graduado, Martha Law y na e di dos mihor graduado, Daniela Perez, cu ambos ta conoci pa tin un carera escolar ehemplar, hopi dedica, consistente y determina pa logra nan metanan pa futuro. Y tambe un palabra di pabien na tur e otro 40 graduadonan, cu tambe a demostra cu si tin perseverancia, disciplina y motivacion, bo ta capaz pa logra pasa bo examen den e prome tanda caba. Y sin laga afor, un palabra di gradicimento y pabien n ahenter e team di Filomena College MAVO y Rotaract, pa nan trabao y dedicacion cu nos hobennan. "Na e otro alumnonan, cu ainda tin her pa haci e siman cu ta bin, no rindi y duna 200% di bo, pa asina logra haya bo diploma ainda", Ras a finalize bisando.

Despues di a comete hopi
destruccion na un cas na Tanki
Leendert:

Polis a logra detene e agresor



Diadomingo madruga a drenta informe di un caso di destruccion na un cas na Tanki Leendert. Mesora a dirigi un patruya pa e sitio. Na yegada di e patruya a bin compronde cu esun cu a haci e destruccion aki a bandona e sitio.

Polis a informa e habitante cu e por pasa entrega keho na recherche. Unavez cu polis a bandona e adres, e agresor a bolbe atrobe. Polis e biaha aki si a yega mesora y a logra detene e agresor kende por cierto lo ta ilegal.

Caso di Gobierno contra Williams:

VUPA! Abogadonan defensor di Gobierno a contradeci otro dilanti huez

Durante e caso cu a tuma lugar den corte diabierna, unda Gobierno ta demanda un rectificacion for di Mikel Williams, mester remarca cu e defensa di Gobierno no tabata musta dje fuerte ey.

E abogado Michel Kock, no tabata por a saca su som cu pregunta di huez y cada vez e tabata contesta cosnan sin sentido. Remarcabel ta cu e bufete di abogado tabata presente cu casi tur su abogadonan, y a ocupa casi tur e stoelnan di e banki di parti Gobierno.

Na dos ocasion, dos abogado hende muher mester a cay aden, pidi huez palabra, pasobra cu Abogado Michel Kock no tabata sa of mihor bisa tabata pegando barco.

Un di e vupanan mayor ta ora cu huez a lanza un pregunta directo pa Michel Kock: Minister Otmar Oduber a haci uso di su derecho di replica pa contra aresta loke Mikel Williams a bisa?

Aki Abogado Michel Kock a bisa: NO! Ora cu e dos otro abogadonan a mira cu esaki lo ta un sla mortal pa e caso, ambos dama a cay aden y nan



a habri un “wowo” hanchu riba abogado Kock, y e dos damanan a tuma over e caso y cumenza bira e storia mesora.

E abogado dama, a contradeci su colega y a bisa cu SI, Otmar Oduber a contesta den prensa, pero general, splicando riba e proyecto, pero no a bay directo.

Esaki tabata un pregunta hopi determinante pa huez,

pasobra huez sigur lo por pensa cu como gobierno, bo ta dispone di un plataforma na bo disposicion unda bo por a contesta sr. Williams, acalara su dudanan, y splica riba kico te caso di e proyecto.

Awor ta keda na huez, pa saca su conclusion di e dos contestanan cu el'a haya for di e abogadonan di oficina di Kloes, kendenan por bisa tabata hopi bruhativo y cada rato otro abogado tabata tuma palabra pa asina salba e caso.

Na Isaac Wagenmakerstraat:

Homber cu a stop di hala rosea, yuda door di paramediconan

Diadomingo merdia, algo prome cu 1:30 polis y tambe 2 ambulance a bay un adres den Isaac Wagenmakerstraat. Na e cas aki un hoben no tabata halando rosea.

Probablemente tabata trata di un homber rond di 40 aña. E cabayero, segun nos a compronde ta diabetico, a lanta mainta y despues a bira malo. Esaki despues di e wegá cu Alemania a perde.

Paramediconan na e sitio a haci nan maximo esfuerzo y a logra haya pulso. Mesora nan a prepara y sali cu urgencia direccion hospital.



Na Tanki Flip

Chauffeur a dal y fishtail un Toyota di direccion contrario



Diadomingo mainta a drenta informe di un accidente banda di Tao Bao na Tanki Flip. Mesora a dirigi un patruya pa e sitio. Na yegada di e patruya a bin compronde cu aki ta trata di un accidente unda cu e chauffeur di e Toyota Passo bayendo pabao a bay na banda robz di caminda y a fishtail e Toyota Corolla di direccion contrario y pone baha caminda. Afortunadamente ningun hende a resulta herida.

REUNION INFORMATIVO DEN BARIO



Dialuna • **18 JUNI** • 2018

7:00 - 9:00 PM
Luga: Scol di Arte
SAN NICOLAS

#sintiecambio



- **EXTREME RESTORES**
- **PROTECTS FROM UV**
- **HIDRATES WITH ALOE VERA**


RETAIL PRICE

15⁶⁰
AWG

11⁹⁹
AWG

OUTLET PRICE


Cumpleaños di Cesar Gabriel Panneflek



Hunto cu famia Cesar Gabriel a celebra ayera su b-day, hunto cu su tata y omonan cu tambe ta tata, a celebra nan Dia di Tata como cumpleaños.

Den un ambiente familiar a goza hopi, a parti diferente snack y nos amigo di El Gaucho a yuda nos cu e carni riba grill cual a keda hopi

dushi mes! A kibra piñata y sigui pasa pret den ambiente hopi dushi familiar. Kier a gradici tur hende presente, famia- y amistadnan cerca, cu nos ta considera como famia tambe! Happy Birthday pa Cesar Panneflek riba su fecha natal!



SNAX FEST

RIBA DIALUNA

AWG 30⁰⁰

ALL TAX INCLUDED

2 TWISTERS
4 PIDA GALIÑA
2 BISCUIT
2 BATATA HASA CHIKITO
2 REFresco DI 16oz DI PEPSI

KFC

SAN NICOLAS 5270995
ORANJESTAD 5270996

SANTA CRUZ 5270998
PALM BEACH 5270997

It's finger lickin' good

KFC, Colonel Sanders' image and related marks are trademarks owned by KFC. © 2018 Kentucky Fried Chicken, all rights reserved. Images for illustrative purposes only. Price in AWG includes tax and can be changed without prior notice.

Falta un siman mas pa e Nostalgia Party di Kiwanis Club of Palm Beach

E dianan ta yegando mas cerca pa e fundraising party di Kiwanis Club of Palm Beach, e Segundo anual Nostalgia Party. Otro siman caba lo bay tuma lugar un fiesta cu lo bay hibabo bek den tempo. Recordar es vivir. Pa e fiesta di e aña aki, nos lo bay tin cuater banda y nan ta cla pa pone un super ambiente. Esakinan lo bay ta Super Mania, The Tramps, Back on Track Band y e sorpresa di aña pasa, The Kiwanis Band. The Kiwanis Band ta un banda cu ta toca durante eventonan di Kiwanis y ta consisti di miembronan di clubnan di Kiwanis riba e isla di Aruba. Hunto cu e relato nos a acompaña algun potret di e fiesta di aña pasa. E fundraising aki lo bay tuma lugar 23 di Juni 2018 na e ballroom di Aruba Marriott Resort & Stellaris Casino y lo ta cuminzando for di 8'or di anochi te cu 1or di marduga. Aña pasa Kiwanis Club of Palm Beach a organiza e promer Nostalgia Party cu a resulta di ta un exito cu un meta pa yuda un proyecto mundial. E aña aki, e focus lo bay ta un proyecto local cu enfoke riba abuso di muchanan, esaki despues di a conversa cu varios organizacion- y fundacionnan local.

E prijs pa entrada lo ta 75 florin pa persona y e fiesta lo inclui un cash bar & snacks. Tambe lo bay tin varios doorprizes cu lo bay wordo reparti durante e anochi aki. Ticketnan lo ta



available cerca tur miembro di Kiwanis Club of Palm Beach of por pasa libremente na Deals on Wheels (Thrifty Wayaka), na Optica Oduber & Kan, Precious Anardey y Masy-Fral. Pues si bo ta cla pa bay bek den tempo y rebiba tur e dushi temponan di a añanan 50s, 60s y 70s, esaki ta e fiesta pabo Kiwanis Club of Palm Beach

Kiwanis Club of Palm Beach Aruba ta forma parti di Kiwanis International, un organizacion mundial di voluntario dedica na cambia mundo, cuminsando na un comunidad y un mucha. Nos ta un organizacion den crecimiento, dedica na yuda muchanan di mundo henter hisando nan calidad di bida. Pa mas information di



Kiwanis
CLUB OF PALM BEACH ARUBA

NEXT WEEKEND

EVERYONE NEEDS NOSTALGIA

MARRIOTT BALLROOM
THE TRAMPS, BACK ON TRACK,
SUPERMANIA & KIWANIS BAND
ADMISSION AWG 75.00 PP



Kiwanis Club of Palm Beach kiwanispalmbeach.com of <https://www.facebook.com/kiwanispalmbeach>
bishita nos webpage na www.kiwanispalmbeach.com nos Facebook fan page na [kiwanispalmbeach](https://www.facebook.com/kiwanispalmbeach).


Intento di kiebro na un cas na Tanki Flip

Diasabra mainta a drenta informe di un caso di intento di kiebro na un cas na Tanki Flip. Mesora a dirigi un patruya pa e sitio. Na yegada di e patruya a bin compronde cu aki ta trata di un caso unda desconocidonan a destrui un porta cu e intencion pa drenta den e cas pa horta. Pero pa un of otro motibo kizas mucho trafico e malhechor a ser stroba y a stop cu su intento. Polis a tuma keho di destruccion y intento di ladronia.



Booshi Wever di UPP:

CUANTO E “KARTELHEFFING” DI OTMAR LO BAY COSTA CADA UN DI NOS?



Aruba ta den “crisis”, pero ta parece no pa sr. Otmar Oduber. E plannan macabro di e minister pa adapta e maneho di desperdicio lo bay nifica introduccion di un otro “heffing”, den e caso aki un “kartelheffing”, cu lo bin riba e gastonan cu e “crisisheffing” ya caba lo bay costa cada un ciudadano di Aruba.

Maneho di desperdicio conoce diferente pasonan. E ta un cadena cu ta cuminsa cu preparacion debido di e pueblo di parti di gobierno. E siguiente pasonan ta encera recoge e desperdicio (Serlimar), sigui pa e forma con ta deshaci di e desperdicio (dump na Parkietenbos y Sero y pronto na Pos Chikito) y finalmente incorpora un control debido pa evita que consumidor no ta cumpli cu e reglanan stipula pa ley. Otmar Oduber deliberadamente a scoge pa fragmenta e proceso di maneho di desperdicio probablemente cu e meta pa logra su obhetivo di saca mayor provecho financiero di maneho di desperdicio na

Aruba, pa favorece miembronan di e cartel. Y mirando cu ta sera contractonan miyonario cu amigonan, sponsornan (sin ningun forma di destaho) y alabes “fixed-bidding” pa p.e. tanto e leasement di e 22 trucknan como manera ta muestra e “Waste To Energy” por medio di un incinerator, nos ta yega na e conclusion cu e minister ta formando un otro CARTEL y cu lo ta necesario bin cu un “kartelheffing” (banda di e “crisisheffing”) riba lomba di pueblo, pa por paga e proyectonan di amiguitonan di e minister, pasobra nos tur sa cu gobierno mes no tin espacio financiero pa carga esaki.

Y e ultimo aki ta wordo enfatisa mas den un declaracion recientemente haci dor di un di e directoranan di Serlimar cu a bisa ela y raspa cu TUR gasto di Serlimar al final ta pueblo lo mester bay paga. El’a bisa cu hopi enfasis “de vervuiler, betaalt”!! Ta pa e motibo aki, UPP a tuma a iniciativa pa haci un

calculacion cuanto cada parti di e fragmentacion aki lo bay costa nos pueblo. Den e calculacion aki a tuma como punto di salida cu tin 35 mil hogar na Aruba total. Na 2015 cada hogar na Aruba a cuminsa paga 25 florin (exclui bbo etc etc) na Serlimar pa recoge desperdicio. Maneho di desperdicio lo bay conoce un aumento di costo den tres etapa. Pa cuminsa na e di dos mitar di 2018 lo bay huur un edificio na Pos Chikito, pa loke no tabata tin ningun forma di destaho. Lo paga Ecogas pa procesa e sushi cu Serlimar a recolecta (aki tampoco tabata tin un destaho). Ta huur di 3 loader, gastonan operacional y finalmente e “liners” cu a lubida di pone na e landfill coba na Ser’i Teishi (pa esakinan tampoco tabata tin destaho at all). Alabes minister a indica

cu lo aumenta e cantidad di personal di 40 pa 100 hende. UPP ta asumi cu esaki lo nifica un aumento di alrededor di

10 florin extra pa luna, pues 35 florin (excl. BBO, BAZV y BAVP/POR) cu cada hogar lo mester paga na 2018 caba. E di dos aumento lo surgi na 2019 ora cu mester cuminsa paga pa e lease di e 22 trucknan y mas e otronan cu lo keda den uso. E maniobra aki di e minister lo nifica un otro aumento di 10 florin. Pues cada hogar lo mester paga alrededor di 35 + 10 florin = 45 florin (excl. BBO, BAZV, BAVP/POR) pa luna na 2019.

Aki sin embargo e fiesta no a caba, pasobra na 2020 lo bin e inversion mas grandi ainda cu ta e “Waste to Energy (WTE)” pa medio di un incinerator. E “sprookje” WTE por medio di incinerator lo nifica un inversion entre 150 miyon y 200 miyon dollar. Saliendo for di e hecho cu lo no por tin PPP mas, Serlimar lo mester bay fia e placa pa cumpra esaki. Ban haci un calculacion conservativo cu lo bay cumpra uno di 175 miyon dollar, cu ta 320 miyon florin na un interes di 2% pa paga back den 30 año. Esaki ta significa cu lo mester bay paga pa año 10.880.000, = florin na “afbetaling”. Y teniendo na cuenta cu e gastonan operacional pa tipo di instalacionnan aki, esakinan lo no baha bou di 18 miyon florin pa año.

Otmar Oduber a bisa cu tin pura cu esaki y cu lo dura 2 año pa pone e planta aki “up-running”, pues nos por calcula cu na 2020 cada hogar na Aruba lo bay conoce un aumento minimo di 65 florin. Lo mester paga 45 + 65 florin = 110 florin pa luna (excl. BBO, BAZV, BAVP/POR). Den e grafico nos ta duna un bista di e aumento barbaro cu e capricho di Otmar lo bay costa cada hogar na Aruba. Esaki ta significa un aumento significativo di alrededor di 85 florin pa luna. Mientras cu MEP y RED mester hala faha mara, ta parece cu Otmar Oduber no tabata den e Ministerraad dia cu a tuma e desicion pa hala faha mara, e ta sigui faborece su sponsornan y amigonan cu

ta forma parti di e Cartel. Pues un aumento monstruoso di 440%. E pueblo mester sufri pa e miembronan di e cartel sigui djo-djo hunto cu Otmar y POR.

Pa finalisa lo siguiente. Na prome lugar mester tene cuenta cu e calculacion haci ta uno basta conservativo y no tur gasto por a wordo inclui den e suma total. Pues no lo straña nos si na final di

cuenta e suma lo por yega un montante mucho mas haltu. P’esey por ta cu Otmar Oduber no kier presenta un plan integral, pasobra e ora si lo mester responsabilisa cada trayecto di e maneho di desperdicio na placa chikito? Mas importante ta cu gran parti di nos pueblo ta biba den pobreza of ta den un posicion vulnerabel pa pobreza. UPP a tuma nota di un estudio presentador di CBS recientemente na unda alrededor di 15.9% di nos poblacion ta sufri bou di pobreza severo of modera y un otro 19.1% ta vulnerabel pa cay den pobreza. Con nan lo bay absorba e gastonan cu e “crisisheffing” y e “kartelheffing” lo bay nifica?

P’esey UPP ta di opinion cu no ta husto cu sin mas gobierno y parlamento ta bay di acuerdo pa sigui aumenta e sacrificio financiero di e pueblo. No ta esaki a sosode e ultimo 8 añanan na unda a derocha placa pa faborece sponsornan, famia y amigo y al final ta pueblo mester bai paga? Ta pesey UPP no por acepta e “Kartelheffing” aki pa e pachanga sigui cu pueblo no ta invita pa participa pero si lo mester bai paga pe. Ta spera cu Parlamentarionan, gremionan sindical y comercial tuma nota di esaki y lanta riba y bisa den koor: TA BASTA! NO POR! STOP CORUPCION AWOR!

Booshi Wever
Lider partido UPP
16 juni 2018

Prome Minister mr. Evelyn Wever - Croes:

Gobierno lo sigui lucha pa progreso y bienestar pa nos pensionadonan

Prome Minister Evelyn Wever-Croes a reuni cu Bond van Gepensioneerden Nederlandse Antillen en Aruba. Un reunion hopi fructifero na unda diferente tema di preocupacion pa e pensionadonan a wordo trata.

E tema di mas preocupante tabata di e pensionadonan cu ta biba na Aruba cu ta haya un pensioen di Corsou of Antiyas. Corsou a corta e pensioen di SVb Corsou cu 10 porciento pa luna y a kita nan 'kerstbonus'. E motibo pa cual Corsou a haci esaki ta pa haci e fondo di SVb Corsou mas solido. A cuminsa haci esaki cu esnan cu no ta biba na Corsou. Pero e decision aki a haci un efecto hopi grandi

riba esnan cu ta biba na Aruba y ta haya pensioen di Corsou. Prome Minister a bisa nan cu ya desde cu e ta den Parlamento, el'a papia cu Corsou y Sint Maarten riba e tema aki na unda nan a priminti cu nan lo busca e manera pa yuda den e caso aki. Tambe e prome mandatario a papia cu Gobierno di Corsou riba e posibilidad pa no corta riba e pensioen di viehez di esnan cu ta biba na Aruba. Prome Minister a compromete su mes pa sigui den dialogo cu Gobierno di Corsou pa mira si por trece alivio pa e pensionadonan di Aruba. "Nos lo sigui lucha pa logra progreso y bienestar pa nos pensionadonan".



Na Seroe Biento:

Un auto a bay subi caminda y a chip patruya di polis pasando



Diasabra mainta a drenta informe di un accidente cu un auto di polis involvi na Seroe Biento.

Mesora a dirigi un especialista di trafico pa e sitio. Na yegada di e especialista esaki a bin comprende cu un auto a bay subi caminda y a chip patruya. Chauffeur di e auto mes no a sinti nada ya cu esaki tabata un sla minimo. Ta e patruya a bay su tras y a logra par'e na Hooiberg y a informe di esaki.

65⁹⁹ AWG
RETAIL PRICE

OUTLET PRICE
49⁹⁹ AWG

PROFESSIONAL CAR WASH SUPER COMBO

- **UNTUCHABLE**
- WET TIRE FINISH
- **WAX & WASH**
- CLEANS AND POLISH
- **CRISTAL X**
- HEAVY DUTY SOAP
- **FOAM**
- FOR CARPETS

CRISTAL X
"MULTI-PURPOSE CLEANER"

MICROFIBER CLOTH & SPONGE INCLUDED

Relaciona cu un supuesto aumento di prijs di gasolin cu 43 cent:

Den nan ansha y desesperacion tur caminda e politiconan di AVP ta mira zombie of pitufo ta bularond

Den su ansha y desesperacion partido AVP durante e ultimo simannan aki a trata di venenamente di pueblo cu e gobierno actual den e ultimo 7 lunanan a aumenta e prijs di gasolin den forma drastic solamente cu e meta pa gasta placa di pueblo den forma descabeya, ya cu esey tabata custumber caba di Gabinete Eman y cu nan a kere cu tur hende ta mescos cu nan. Sinembargo cifranan estadistico no ta gaña y ta p’esey partido MEP ta trece e tabel adhunto pa mustra pueblo e desaroyo di e prijs di gasoline durante e ultimo 7 lunanan di Gabinete Wever-Croes.

Nos por mira cu entre November 2017 pa Juni 2018 na 2 ocasion so tabata tin un reduccion den e prijs di crudo riba Mercado internacional. Igualmente nos por constata cu na dos ocasion so tabatin un reduccion di e prijs di gasolin. Pero si analiza e desaroyo di prijs di crudo y prijs di gasoline durante e ultimo 7 lunanan nos por mira cu e porcentahe total di aumento di prijs di crudo tabata 18.6% y e porcentahe total di aumento di prijs di gasoline tabata 13.2%. Pues claramente tur hende cu sano huicio por mira cu na ningun momento so e gobierno di MEP-POR-RED kier perhudica nos pueblo door

	Prijs di Crudo (\$/brl)	Aumento/ Reduccion (%)	Prijs di Gasolin (ct/ltr)	Aumento/ Reduccion (%)
Nov. 2017	56.2		183.6	
Dec. 2017	57.9	3.0	188.9	2.9
Jan. 2018	63.4	9.5	186.8	-1.1
Feb. 2018	62.6	-1.3	194.3	4.0
Mrt. 2018	62.8	0.3	193.2	-0.6
Apr. 2018	66.1	5.3	195.5	1.2
Mei 2018	71.5	8.2	202.5	3.6
Jun. 2018	66.9	-6.4	208.9	3.2
TOTAL AUMENTO		18.6%		13.2%

di aumenta e prijs di gasolin den forma despropocional manera cu e instigadornan di AVP kier bende cu pueblo. Al contrario, nos por constata cu e prijs di gasolin no a sigui completamente e aumento di prijs di crudo riba Mercado internacional, pero te hasta a keda 5.4% bao di esaki.!

Pero mirando cu e pueblo inteligente no a cay den e manipulacion aki di partido AVP, awor nan a bin cu un otro ‘spanta parha’ riba pueblo, esta cu e gobierno actual lo aumenta e prijs di gasolin cu 43 cent entrante Juli proximo. Aparentemente e politiconan aki di AVP ta mira sea zombie of pitufo tur caminda y awor kier spanta pueblo cu e locuranan aki.

Polis a bay banda di La Roca na Moko pa un auto cu nan a laga atras mey mey caminda



Diasabra mainta a drenta informe di un auto, lagá atras mey mey caminda banda di La Roca na Moko. Mesora a dirigi un patruya pa e sitio. Na yegada di e patruya a bin encontra cu e vehiculo cu lo a haya problema cu bacteria. Polis a papia cu e chauffeur y a pusha hala e auto for di camnda.

RENT - RENT - RENT - RENT - RENT - RENT - RENT - RENT - RENT

RENT ME WASTE CONTAINERS

10 YARDA 165
WEEKENDS SPECIAL FRIDAY TO MONDAY

RENT ME WASTE CONTAINERS

TELEFON:
5634201 - 5603500

RENT - RENT - RENT - RENT - RENT - RENT - RENT - RENT - RENT

‘Football for Friendship’

Yegada di nos Young Ambassadors



Diasabra, durante e ceremonia di Bonbini na aeropuerto Reina Beatrix den e VIP-room cu presencia di Su Excelencia, Ministro di Educacion, Ciencia y Desaroyo Sostenibel, sr. dr. Rudy Lampe, sra. Paula Engelen y demas miembro di Arubaanse Voetbal Bond, sr. Stanley Dabian di Departamento di Cultura Aruba y famia di e hobennan, a ricibi nos Delegacion di Aruba, nos Young Ambassadors, Sheqayli Ascencion y Jahmani Eisden cu a destaca cu nan participacion na e Football for Friendship Children's Social Program na Moscow-Russia.

Nos Young Ambassador Jahmani Eisden a sa di demostra su talento como hoben futbolista, kende tabata Captain di su team dirigiendo esaki. El'a sa di anota dos gol y tambe Jahmani a haya oportunidad pa luci cu nos

bandera durante e Apertura di Ceremonia di FIFA World Cup 2018.

Nos Young Ambassador Sheqayli Ascencion a briya enorme cu su talento como Young Journalist y a sa di presenta varios produccion di video, a haci entrevistanan, y a ser scogi hunto cu 3 pais mas den 211 pais, pa presenta un proyecto di Eco Initiative, y akinan Sheqayli a resalta enormemente cu su mensahe pa cuido di nos medio ambiente, nos criaturanan den lama, a conta un poco di e tortuganan y pa evita saconan di plastic riba beachnan y nos medio ambiente. E produccion di video aki ta uno sumamente bunita. Aruba a briya riba e pantaya grandi na e 'International Children's Forum' di F4F na Moscow-Russia. Sheqayli Ascencion a logra gana e premio grandi di '2018 F4F Young Journalist'.

Durante nan participacion

na e Football for Friendship Children's Social Program, Sheqayli y Jahmani tabata bao guia di 'Head of Delegation', sra. Monique Ras y Coach, sr. Edgar 'Gachi Erasmus. Nan a duna nos hobennan tur sosten di nan banda pa guia y cuida Sheqayli y Jahmani. Sra. Monique y sr. Edgar a fungi durante e viahe na Moscow-Rusia, como mayornan di nos hobennan. Hunto nan a comparti un experiencia bunita y inolvidabel. AVB a otorga na nos Young Ambassadors, Sheqayli y Jahmani un medaya. Tambe a otorga na Sheqayli Ascencion un bunita plakkaat como gradicimento pa su prestacion y su logro grandi. Un danki na tur esnan cu a contribui den e realizacion di haci esaki un hecho. E caminda pa felicidad ta un caminda halto ora e ta inclui trabao cu ta caba cu produccion cu bo ta mira. Pabien na nan mayornan y henter Aruba.

Minister Otmar Oduber:

Smart Community ta e caminda pa e proximo añanan nos dilanti



Diabierna ultimo FCCA y Partners a haci inauguracion di Kibaima Smart Community. Minister encarga cu Infraestructura, sr. Otmar Oduber, den su discurso a trece dilanti cu inauguracion di e proyecto aki ta e path to follow den e proximo añanan nos dilanti. Un proyecto cu a keda entrega na Mei 2018 y cu a conoce un trayectoria largo di momentonan positivo cu pais Aruba mester por siña di dje cu ta comunica den forma transparente.

Metadie proyecto ta pabalansa den mihor forma e aspecto di desaroyo y concentracion riba medio ambiente. Tanto conscientizacion como comunicacion mester existi entre diferente departamento y ta esencial pa exito den futuro. Minister Otmar Oduber a menciona un

primicia hunto cu e apertura, cu lo lanza un concurso lidera pa FCCA. Cu e concurso tanto arquitecto como contratistanan specialmente local, lo por contribui na futuro di vivienda responsabel y sostenibel. Un desaroyo cu e tema sostenibel no ta accesibel pa científiconan y e mundo academico, sino pa mama y tatanan di famia cu mester di un cas pagabel pero cu tambe kier biba consciente. Participante di e concurso lo presenta tecnica moderno y pagabel cu por reduci e uso di energia. FCCA a demostra liderazgo den ofrece cas pagabel of social cu un alternativa y cu bista riba construccion di mas cas social.

E concurso tambe lo brinda oportunidad pa presenta tecnica pa cual ta maneho

di desperdicio pa enfatiza importancia di maneho di desperdicio y sushi den forma responsabel. Segun e mandatario, esaki ta posibel y necesario. Aruba ta den un estado critico pa cual ta e efecto di sushi cu tur hende ta produci y mester carga responsabilidad pe. E team di experto y profesionalnan di Land Aruba cu a traha duro pa por yega na e punto aki ta TNO, Utilities NV, WEB Aruba NV, Elmar NV, Setar NV. y sigur importante FCCA. FCCA a inicia un otro proyecto importante cu ta bay demostra cu experticio ta posibel semper y cuando tin e determinacion. Minister Otmar Oduber a felicita FCCA y partners cu e logro grandi y desea nan hopi exito pa nan sigui comparti cu comunidad loke ta Smart Community.

Mas Sorpresa den Copa Mundial Russia

2018 ariba dia di tata



Diadomingo dia di tata, weganan di Copa Mundial Rusia 2018 a continua, y sigur tabata un bon regalo pa e tatanan cu ta fanatico di bon futbol. Aki ta sigui relato breve di weganan cu a tuma lugar.

Serbia vs Costa Rica:

Prome wega di Diadomingo a tuma lugar entre Serbia y Costa Rica, kende sigur tabata e gran sorpresa di Mundial 2014 logrando clasifica te cuart final unda nan a wordo elimina pa Hulanda pa tironan for di punto penal. Den e wega aki sigur Costa Rica kier a sali cu mes un pia, pero lamentablemente no a probecha di e oportunidadnan presenta. Na di 56 minuut tabata Serbia ta bay ariba cu score di 1-0 despues di un tiro liber caminda cu Aleksandar Kolarov ta los un tiro fuera di alcance di Keylor Navas.

Asina tambe e wega a termina

cu score di 1-0 na fabor di Serbia.

Alemania vs Mexico:

E di dos wega, e actual campeonan mundial, Alemania a midi forza un biaha mas cu e fuerte ekipo representando CONCACAF, esta Mexico.

No ta prome biaha cu ambos ekipo ta topa otro den evento di Copa Mundial, pa algun ocasion ambos ekipo a enfrenta otro y Alemania semper a sa di gana e weganan contra di Mexico.

Pero e biaha aki suerte a bolter na banda di e Mexicanonan, sigur den prome mitar a tuma control di e wega na gran parti y na di 35 minuut, Hirving "Chucky" Lozano ta manda Mexico ariba cu score di 1-0. Den di dos mitar, ekipo di Alemania a pone presion enorme dilanti gol defendi pa Guillermo "Memo" Ochoa, pero nada no a resulta den

e gol di empate, Mexico a defende por lo menos 20 minuut sigui y a logra bay cu un victoria historico contra di actual campeonan di mundo, Alemania.

Alemania un di e favoritonan pa titula campeón, si kier logra esaki tin cu haci manera Spaña a haci na aña 2010, e unico ekipo cu a perde prome wega y titula campeón mundial.

Brazil vs Switzerland:

Ultimo wega di Diadomingo atardi tabata entre e cinco biaha campeonan mundial Brazil y ekipo fuerte di Switzerland.

Ekipo di Brazil no a cuminsa e wega aki manera ta acostumbra di nan toque di bala, Neymar Jr. sigur tabata mucho individual, mientras cu Switzerland den prome mitar tabata trata di defende lo maximo.

Na di 20 minuut, Phillippe Coutinho ta anota prome gol di



e wega pa Brazil bay ariba cu score di 1-0, cu un tremendo tiro di distancia.

Switzerland den di dos mitar ta empatar e wega na di 50 minuut ariba un tiro di skina pa medio di Steven Zuber. Aunque e hugada aki tabat mira den repeticion cu tabata tin un pusha y cu hungadornan di Brazil a reclama un foul, pero referee y VAR a dicidi cu

no tin nada y a laga e gol keda conta.

Asina tambe e wega a termina cu score empatar 1-1.

Sigur e sorpresa di dia tabata e victoria di Mexico contra di Alemania, mientras cu rond mundo fanaticonan di Brazil a keda decepciona cu presentacion di Neymar Jr.



E metodo Osorio a duna Mexico resultado: Alemania a wordo venci den su debut na Rusia



Con pa vence e campeon di mundo? Juan Carlos Osorio tin e respuesta. El a traha y traha y traha. Aunke cu na Mexico nan ta critik'e pa su constante rotacion di hungador, e Colombiano tin cla loke e ta busca cun'e: cu henter e ekipo funciona manera un holoshi bao di un sistema tactico, sin importa e hungadonan cu ta dentro di e tereno di wega. Dificil di asimilar, bruha pa compronde y mas compleho ainda di ta asimilar. Sin embargo, el a funciona na perfeccion, e seleccionado manito

tabata tin un rendimiento notabel na man di e Colombiano: den 31 partido, el a empata 10 y shete el a perde. Diadomingo, den e stadion di Luzhniki di Moscu no tabata e excepcion. E stratega a sali cu un gran planteamento pa enfrenta Alemania, e ultimo campeon di mundo. El a haci nan sufri mas di loke a spera. E teutonnian no ahaya e manera pa supera e sistema cu e tecnico nacional a impone dentro di e tereno di

wega. Aunke nan a conta cu aproximacionnan di Timo Werner y Toni Kroos, den dos ocasion y Joshua Kimmich, Julian Brandt, Marco Reus, no a logra supera e defensa Mexicano. No obstante, na final di e descanso a cuminsa nota y e espacionan a cuminsa habri. E dirigidonan pa Juan Carlos Osorio a cuminsa cu e compromiso wardando e propuesta di Alemania. Joachim Low a bet pa un dibuho 4-1-4-1, cu tabata hopi ofensivo. E Germanonan a preta

for di un comienso y e Mexicanonan a responde cu contragolpi: Hirving Lozano, Miguel Layun, Carlos Vela y Javier Hernandez tabata esnan cu a comanda e atakenan veloz y feroz, cu tabata coy mal para e esquadron Aleman. Pero den e encuentronan ta clave pa ta cla, cu e cinco sintinan semper den alerta y algun hungado di El Tri parce no tabata asina. E exceso di transporte di e bala a hoga den varios hugada cu parece tabata destina di ta mas grandi. Nan no a sa di

probecha e espacionan concedi y e velocidad di e hungadonan manera Vela, Lozano of Hernandez. E hugadanan parce di ta calca: Atake Aleman, recuperacion di Mexico y contragolpi veloz. Tur desperdicia. Te na minuut 35. Lozano a cuminsa un hugada den e zona defensivo y di nobo cu espacionan habri. Undos cu Javier Hernandez, engache na Mezut Ozil y di derecha, Lozano a saca un remate cu no a laga ningun opcion na Manuel Neuer: 1-0 y e emocion riba tribuna.

Minister Presidente, mr. Evelyn Wever – Croes:

Cu Reforma di Impuesto e ‘Crisisheffing’ ta pasa pa pasado



Despues cu Gobierno di Aruba a anuncia ‘Crisisheffing’ temporal, mesora a cuminsa cu e trabaonan pa yega na e Reforma di Impuesto. E reforma di nos sistema di impuesto ta bay inclui un cambio di e sistema di impuesto y haci e sistema na un forma mas husto. Impuestonan directo lo wordo baha y e cobramento di impuesto lo bay na un forma mas indirecto. Prome Minister a indica cu Gobierno a cuminsa

cu e trabounan pa scoge e forma di impuesto cu lo bay introduci. Ya a cuminsa cu inventarizacion di tur locual cu a wordo haci riba e tereno aki caba. E siguiente paso ta pa reuni cu esnan concerni pa hunto yega na e mihor manera pa yega n’e Reforma di Impuesto. Cu esaki, Prome Minister ta enfatisa cu lo pone un punto final di biaha na e ‘Crisisheffing’.

Kico ta Reforma di Impuesto?

Reforma di Impuesto ta pa nivela y comparti e peso di impuesto den nos comunidad. Den e Reforma di Impuesto lo tuma nota di e impuestonan cu

actualmente tin un peso hopi halto, entre otro e loonbelasting. E intencion ta pa rebaha esaki sin descarta cu den futuro te hasta por yega na elima e impuesto aki. Cu e Reforma di Impuesto lo nivela e peso di belasting. Actualmente, e peso di impuesto aki ta hopi halto riba cierto gruponan den nos comunidad manera pensionadonan y esnan cu ta traha den sector hotelero of esnan cu ta traha hopi ora extra. Esaki lo conoce cambio den e Reforma di Impuesto.

Otro ehempel di un Reforma di Impuesto cu ta nivela y comparti e peso di impuesto miho ta riba ‘Grondbelasting’.

Impuesto cu ta paga riba propiedad. Na Aruba tin hopi condominio cu ta wordo usa como un di dos cas. Por hustifica cu ta baha grondbelasting riba uso di vivienda personal y subi grondbelasting riba condominionan cu ta wordo usa como un di dos cas. “Esakinan ta algun ehempel di mucho mas cu Gobierno ta studiando pa calcula kico e efectonan ta pa mira kico por wordo introduci di inmediato, kico por wordo introduci durante e siguiente aña. Y pa mas tarda, final di 2019 ful e Reforma di Impuesto ta cla y e ‘Crisisheffing’ ta pasa pa pasado.”

OPORTUNIDAD PA ASISTI NA UN ENSAYO GENERAL DI ARUBA SYMPHONY ORCHESTRA (MUCHANAN DI 8 PA 17 AÑA)

Nuevo Mundo Foundation (NMF), hunto cu Scol di Musica “Rufo Wever” (SdM) y Gobierno di Aruba (GOB) a firma un “Letter of Intent” na 2017 pa crea un orkestra sinfonica hubenil.

Entre e firmantenan tin un entendimento cu NMF, cu participacion di SdM, lo haci e tramitenan pa ehecuta e “Intent” y cu GOB lo yuda segun mester, te asina cu e por. E entendimento tambe ta encera cu NMF lo sigui e filosofia y tacticanan di “El Sistema” di Venezuela cu a wordo introduci na varios otro pais cu hopi exito. Por ehempel, na Amsterdam tin nada menos cu 36 nucleo cu aya ta carga e nomber “Leerorkest”.

E filosofia di “El Sistema” ta originalmente di e Checoslovaco/Venezolano Emil Friedman: “Musica ta habri un caminda special y rapido pa muchanan desaroya nan sensibilidad y motibacion pa otro manifestacionnan artistico”.

NMF ta convenci cu musica ta un parti di loke ta haci hende feliz y pasobra e ta asina esencial, no por ta cu un mucha no por siña musica pasobra su famia no por paga pa lesnan. “El Sistema” ta un programa social cu gobierno di Venezuela ta financia pa tur mucha cu kier toca un instrumento musical por bin tuma les. Ningun mucha lo tin cu paga pa nan participa. NMF ta sigui e mes politica aki na Aruba. Pa NMF no ta necesario pa e mucha tin talento of

e mucha a cuminsa tuma les caba y elr mucha a yega cierto nivel como tocado. Pa NMF, e condicion primordial ta cu abo ta interesa, e kier participa.

NMF tin un plan pa un Proyecto Piloto di un aña cuminsando januari 2019 cu ta bay tuma 100 mucha, muhe y homber, entre 8 y 17 aña. E plan ta encera dunamento di les di instrumentonan di cuerda: fio, viola, cello y contrabaho. Pa haya contacto cu e muchanan cu lo ta interesa pa participa den e proyecto, NMF ta invita tur mucha pa asisti na un ensayo general di e Aruba Symphony Orchestra di dia 27 of 29 di juli na Cas di Cultura. Esun di dia 27 ta cu e hoben (16 aña) pianista Claudia Roa di Chile cu a gana e competencia di studiantenan aña pasa. Musica lo ta di Mozart. E ensayo di dia 29 ta cu e famoso violinista Hapones Kazuhiro Takagi y musica lo ta di Mendelssohn.

Na hopi luga, e orkestanan ta cobra pa hende por presencia e ensayo general. Aki e muchanan ta haya entrada completamente gratis. Pa abo haya bo entrada y goza di e privilegio aki, abo mester haci lo siguiente: Prome cu dia 30 di juni, bo mester busca un formulario na oficina di Cas di Cultura (for di 9’or di mainta te cu 5’or di atardi) of na Scol di Musica “Rufo Wever” (den e mes edificio piso ariba for di 1’or y mei te cu 6’or di atardi) cu bo mester yena cu algun dato personal manera nomber, adres, aña di nacemento, number



di telefon, email, etc. y mester indica cu un “checkmark” (☐) ta cua di e dos ensayonan bo kier asisti. Bo mester entrega e formulario yena na e mes luga no mas tarda dia 5 di juli y lo bo haya un carchi di entrada pa e ensayo cu abo a scoge.

Solamente muchanan di 8 pa 17 aña lo tin e privilegio di asisti na e ensayonan. E cantidad di carchi di entrada ta limita. Busca un formulario no mas tarda dia 30 di juni y entreg’e mas lihe posibel, en todo caso, no mas tarda dia 5 di juli. Corda bon, “Wie het eerst komt die het eerst maalt”.

Pa mas informacion contacta Johnny Croes na +297 592 3762 of na johnnycroes62@gmail.com of contacta Clyde Harms na clydeharms@yahoo.com.

SIAD:

Dia 2 di Juli e plazo pa pago di number di auto ta vence

Tur hende mester sa caba cu pa dia 2 di Juli e plachi number lo mester ta completamente paga. Sra. Luenne Gomez Directora di Departamento di Impuesto ta amplia. Sra. Luenne Gomez kier a corda comunidad cu e ley di impuesto di vehiculo di motor a wordo ahusta na Januari 2017 unda cu e pago di en vez di kwartaal ta wordo realiza den dos pago so pa aña. E prome dos kwartaalnan mester wordo paga prome cu fin di Januari y e di tres cu cuater prome cu fin di Juni. Ta acercando fin di Juni, 30 di Juni y esaki ta cay riba un diasabra. Consecuentemente despues di dialuna 2 di Juli, tur cliente cu vehiculo di motor riba careteranan Aruba mester tin nan belasting of impuesto di vehiculo di motor ta paga. A tuma diferente accion hunto cu polis y a controla no solamente seguro, pero tambe impuesto. Kier reitera ora cu tin un auto pa transporte di henter famia, mester cumpli

cu e deber cu impuesto y seguro paga. Esaki nan tur ta gastonan cu ta bin acerca, pero ta importante, pasobra ora tin un accidente di auto fatal y no tin seguro pa cover e gastonan, e ora esey ta trece un problema hopi mas grandi.

Mester wak pa bo como chauffeur mester tin tur cos na ordo y pagá pa bo no tin consecucionan fastioso. Tin pensa pa haya un forma pa obliga e cliente pa realiza e pago obligatorio anual. Ta bezig cu companianan di seguro. Ta wak con por conecta e sistema di belasting, hunto cu e companianan di seguro hunto cu polis y DTI. Tur hunto ya cu awendia tin e tecnologia y tur cos ta posibel.

Naturalmente pero mester haci un inversion riba e tereno aki, pa wak con lo por bin cu conexion pa muestra informacion entre compania di seguro, DTI y polis por haya e informacion. Minister Bikker a papia di bin

cu un chip.

Den todo caso ta bay traha den un forma unda ta bay muestra di e persona en cuestion pa haya sa si e tin debe di impuesto si of no. No ta bay sali adres, ni cu ken ta casa of kico ta su ingresonan, pasobra esey ta keda informacion priva.

Esaki ta tumando lugar cu KPA caba cu un lista cu nan ta hayando den forma regular for di departamento di impuesto. Esaki ta encera e lista di numbernan di auto cu no ta paga ainda pa asina por tin mas control. Den futuro ta bay over cu'n sistema mas automatiza y por mira na realtime tur e informacion, pa asina por elimina e number plachi of sticker. Si por baha gasto y bira mas eficiente, lo mester bay riba e direccion aki pa yuda baha e gastonan, segun sra. Luenne Gomez, directora di Departamento di Impuesto.

Tip line
5926895
solo di
pueblo
@ gmail.



TA INCLUI:
DESAYUNO, LUNCH,
JUICE Y SNACKS
PRECIOS: 275,-
**INFO: 5939301/
5635027**



09 pa 13. Juli. 2018
di 8am te cu 5pm

LO TIN ACTIVIDADNAN
MANERA:

SANTA ROSA PARKE ARIKOK
MUSEO NAN DI ARUBA
ENSEÑANAZA DI:
CUARTA, GUITARA, BAJO,
CONGA, PHOTO EETING
Y WEGANAN
EDUCATIVO.

EDAD: 6 TE CU 16 ANJA



Britannia a keda elimina contra Nacional perdiendo 3-2, apesar di un bon wega



Britannia den di cuarto luga cu solamente dos punto riba tabla mester di un victoria pa segura nan continuacion den e play-off aki. Pa Nacional cu tin ocho punto, un empate mes lo segura un plazo den e final di division Honor 2017-2018.

E wega den e prome 30 minuut nan tabata uno di dominio di Nacional cu posesion y yegada pero nada di gran peligro. Britannia su strategia tabata uno di defende bon y traha chens den contra golpi, cu en realidad tabata hopi efectivo. Britannia a defende bon wardando Nacional ataca pa despues

manera pa tira dilanti cu un bentaha di man to man, asina Britannia a haya hopi chens di habri maracador, apesar di e dominio di Nacional. Esey ta un bon strategia, ta locual nos tin custumber di wak di Nacional mes hasi, pero esey tabata traha pa Britannia.

Asina mes e prome chens di gol cla den e wega tabata di Nacional na minuut 13 pa medio di un tiro liber di Valdo Leocadio unda cu e tiro a dal den palo di gol. Despues di e chens ey di Nacional ta Britannia a cuminsa tuma mas iniciativa y cu bon yegadanan mane esun na

minuut 16 despues di un cruse peligroso di Coco Estrada, Nacional no tabata parce bon prepara pa e contra golpinan aki di pasenan lihe dilanti den dos of tres toke so, asina Lionel Tromp a ricibi un pase di profundidad di Carlos Cano for di midveld, p'asina anota e prome gol di wega pa Britannia bay ariba 1-0.

Nacional a bay bek den posesion di bala y cu basta yegada pero no mucho skerpi, Britannia a opta ba bay den e mesun wega di contra golpi cu tabata asina efectivo te cu awo. Toch e insistencia di Nacional a duna fruta y na



minuut 26 ta anota un gol di penalty den pia di Devis Oliveros, un penalty no mucho duidelijk ya cu e bala a rebota for di pia di Junel Sanchez di Britannia lora bay riba su brasa sin intencion algun, pero interpretacion di referee ta conta, asina e wega a bira Nacional 1 Britannia 1.

Nacional a sigui hunga su wega di control, Britannia cu su wega di responde, e Dragon nan cu mas yegada, algun peligroso, e Pumanan cu menos yegada pero hopi peligroso, tur dos portero tabatin man yen y tur dos mester a brilla den nan weganan. Net prome cu halftime na minuut 47, Britannia ta logra haya un tiro liber unda cu Sebastian Montoya ta emula Cristiano Ronaldo cu un beyesa di gol pa pone su ekipo den bentaha, un bentaha mereci te na e punto aki, Britannia 2 Nacional 1.

Den e segundo tempo e wega a mane bira mas balansa, Nacional no necesariamente a sali bay busca e gol di empate, nan a mane relaga Britannia mas espacio, locual a contribui na e wega 50-50 aki, nan strategia mas bien tabata di intercepta y ataca for di eynan, hayando Britannia den un desekilibro, ta nan 'pan cu manteca' toch? E strategia ey a kita e peligrosidad di e contra atakenan di Britannia. Un wega balansa den tur aspecto pa mayoria di e di dos tempo, Britannia, claro, a sali pa bay busca e gol pa aumenta bentaha tambe, ya cu un empate

di Nacional lo no favorece nan den nada, pesey e buscada di e di tres gol, e gol di seguro.

E wega a sigui di banda pa banda pero sin por a concretisa, Nacional siendo Nacional a warda pa nan oportunidad y e oportunidad ey a yega na minuut 86 ora cu Deffery Banton for di su posicion di rechtsback a hasi un corida y cu un bon pase di Devis Oliveros a fusila e portero Dania di Britannia pa empata e wega 2-2.

Britannia cu mester di un victoria no por a hasi nada mas cu sali bay busca e gol ey, lagando espacio atras, t'asina Nacional a haya nan oportunidad pa bay ariba pa e victoria y den un di nan atakenan a haya un autogol for di cabes di Carl Geerman na minuut 88, Nacional 3 Britannia 2.

Esey tambe tabata e resultado final, un desapunte pa un Britannia cu a hunga hopi bon cu un strategia cu hopi otro ekipo no por efectua contra e actual campeon di Aruba. Pa mayoria di e wega aki Nacional no por a kibra Britannia, pero e pasta di campeon a sobresali toch na e ultimo minuut nan di wega, pabien Nacional. Britannia en cambio ta keda elimina di e manera aki for di Play-Off. 'Man of the match' ta Deffery Banton, un hungado di defensa cu ta difcil pa pasa y por hasta sali bay ataca efectivamente, mane a pasa awe.

busca
n

We  love Aruba®



"awa di coco ta bon pa prostaat"



Coconut oil ta bon pa kita mancha y tuma un cuchara pa dia.



Aloe Vera extrato ta bon pa combati cancer pa e

**Tur e remedinan aki ta remedinan di tera, traha na Aruba mes.
Y esaki nan ta Productonan di We love Aruba.**

Tel/Cel 568-4160 pa pedido y delivery



IVÁN DUQUE

Presidente de Colombia

Ivan Duque nuevo presidente de Colombia. El candidato del centro democratico gano en 24 de los 32 departamentos del pais y se hizo con 54,7% de los votos.

Parlamentario Daphne Lejuez (MEP):

‘Mester mantene enfoke pa servicio di Fast Ferry bira realidad’



O R A N J E S T A D
— Recientemente parlamentario di fraccion MEP, Daphne Lejuez a forma parti di un reunion hopi interesante na Hulanda relaciona cu e proceso di introduci Fast

Ferry pa e islanan ABC.

Durante su ultimo bishita na Hulanda recientemente, sra. Lejuez a sinta cu e consultant cu a skirbi e plan di Fast Ferry pa Aruba,

Boneiro y Corsou na 2016. Parlamentario Setty Christiaans-Yarzagaray y sra. Anamaria Pauletta di Corsou tambe a keda invita na e reunion aki. E intencion di e reunion interesante aki tabata pa nan por a haya un miho splicacion di e rekesitonan pa por activa e servicio aki na corto plaso.

Desaroyo economico pa San Nicolas

Segun parlamentario Lejuez, e intencion lo ta pa cuminsa servicio entre Aruba y Corsou, unda cu fuera di e forma practico di transporta persona, auto y container entre e islanan, e lo por tin un impacto economico tremendo pa

ambos isla. “Den caso di Aruba, muy en particular pa locual ta regarda e area di San Nicolas, mirando cu e tereno awo ta disponibel pa crea e pier necesario pa e servicio aki na San Nicolas, e lo por sirbi como un catalisador pa actividad economico den e area aki”, segun e parlamentario.

Locual mester traha riba dje awor ta convenionan entre islanan, pero tambe na cada isla respectivamente, pa asina facilita y agilisa e proceso di boarding y disembarking y aki mester simplifica procesonan pa persona y autonan por traslada mas facil entre e dos islanan aki.

“Pensa aki por ehempel na inmigracion, douane y SIAD. Nos a compronde cu e ministernan concerni na ambos di e islanan Aruba y Corsou ya ta den contacto over di e proyecto aki”, parlamentario Lejuez ta bisa. Conhuntamente cu sra. Pauletta di Corsou y sra. Christiaans-Yarzagaray hunto cu sra. Daphne Lejuez di Aruba, a keda palabra di percura pa mantene e enfoke riba e servicio di Fast Ferry aki, pa asina e por bira realidad, y hunto cu esaki por trece e impulso economico necesario pa e islanan y duna contenido na nos relacion y colaboracion den Reino.

Minister Dangui Oduber a logra pa weganan Latino Americano "Junior" tuma lugar aki na Aruba.





LOGO OFICIAL

- Inspira riba colorman di nos bandera, tereno di bala y Little League International
- 60 aña di Little League na Aruba (1958-2018)
- Nos streanan cu lo participa den e Campeonato Latino Americano di Junior 2018
- Braulio Wester, kende a dedica 60+ aña di su bida na Little League

Diasabra anochi na Azia Restaurant a tene un Rueda di prensa cu Minister di Deporte Sr. Dangui Oduber y Aruba Little League en conexon cu weganan Latino Americano "Junior". Durante e conferencia di prensa aki tambe a haci revelacion di e Logo pa e evento. Minister Dangui Oduber a haci tur esfuerzo pa por

a logra cu e evento aki lo tuma lugar na Aruba. Di e forma aki Minister Dangui Oduber un biaha mas ta demonstra su compromiso cu e comunidad di Aruba pa hiba deporte di Aruba padilanti y ta mantene e ser humano central por medio di deporte.

E evento aki lo ta uno grandi cu sigur lo duna un aporte tambe na nos turismo. Minister Oduber ta kere den campeonatonan internacional pasobra nos solamente nan ta bon pa deporte sino tambe pa nos turismo. Minister Oduber kier a gradici tur cu a haci esaki posibel y ta invita comunidad pa bin apoya nos seleccion local di Aruba.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

WORKSHOP: "REKENEN"-2018

(pa: alumnonan di 5de klas di scol basico)

Dianan di workshop:juni

8,9,15,16,22,23,2018

Ora: 3:00 pm – 6:00 pm (juni 8,15,22)

Ora: 10:00 am – 1:00 pm (juni 9,16,23)

Lugar: Colegio Arubano – local 61

Trainer: drs. Rudolf R. Kelly

Informacion: 562-2119/ 594-9771/ 585-9774.

Email: rr_kelly@yahoo.com



**Tip line 5926895 solo di
pueblo @ gmail.com**

SERVICIO Y COMPRA



Dijkhoff

Pest Control

SEROE PRETO 14K CEL: 5679166

DIJKHOFFPEST@HOTMAIL.COM

4 sale

Ta garantiza durashon di motor, transmishon
por scan e vehicle prome cumpre.

All vehicles are in super good condition
prices start at 7800 aruban fl, financing
could be posible for you



Aruba Quality Deals
Vehicle & Nautical

Star the year fresh with these top secure low mileage vehicles for your family

4 sale

Call today for a road test. 569 4343

4 sale

For Sale

Business investment(kids/babe store)
selling the business name
Social media presence (4000 active
follows)
full inventory (babe& kids clothes &
shoes)
business plan & prime location (high
traffic)
selling for only 55 000 Aruban florin
call today 5694343 for more information

For Sale

Family Home in quiet residence
Big House surrounded by more big
houses
3 bedroom&walking closet
2 bathroom
fully fenced in private property
call today 5694343 for more information
380 thousand arubanfl or better offer

Honda 2012 good as new
for the big family

Kia Rio 2016 26500 fl

Kadilak 2001
cool& stylish

March 2008 good as new
6500 fl

COOPER 2009
GOOD CONDITION
14000 FL

Aveo 2010 7500 fl
airco autm

Ford Ranger 2006 7500 fl

Ford Range 2007 17500 fl

TA BUSCA

un bon auto di mas o
menos 7 mil 8 mil fls

Ta busca Toyota Yaris
pa cumpra 2010 of
2012
Yama na **5694343**

Ta busca tereno unda
cu ta pa cumpra ,
Yama na
5694343

Kia Rio 2016
26500 fl

Ford Explorer like new

Tucson like new
11500 fl

Hayabusa
2008
25 000 fl

Ford
Explorer
2013
52500 fl

Brilliance 2015
good as new
call today 5694343

Jeep 2002



Argentina y Messi decepciona ante Islandia



Argentina no a colma e expectivanan den su debut mundialista na Rusia frente na su similar di Islandia den Spartak Stadium y no a pasa e empate den e inauguracion di Grupo D. E Albiceleste a subi rapido riba e scoreboard. Sergio Aguero a hinca su prome gol den e Copa di Mundo cu un gran anotacion. El Kun a ricibi un pase dentro di e area di lomba, a dal un buelta y a saca un izquierdoso den un angulo. Sin embargo, den poco tempo e Europeanan a

igualta despues di un eror di Willy Caballero. Prome el a keda corto den un centro y posteriormente a corta den un centro y posteriormente a corta un servicio a medias y a laga e teblachi pa Alfred Finnbogafinsson. Pa e complemento, e conhunto di Jorge Sampaoli a purba incina e balansa na su favor den varios ocasion. Un di eseyan a transforma den un penalty cu, contra tur pronostico, Lionel Messi a faya, danki na e

bloqueo di Hannes Halldorson, kende a inclina pa su man drechi. For di eyman e bela di Messi a paga, pero e ingreso di Cristian Pavon, a reactiva e ofensiva di e Sur Americanonan. Sin embargo, e figura di Halldorson a crece ya converti den e heroe di e vikingonan, kendenan, den nan prome aparicion, a suma un punto y a sorprende mundo.

Dakota ta gana Estrella 2-0 den un wega cu no tabata un clasico

E tradicional 'clasico di Aruba' entre Estrella y Dakota ta normalmente un wega di calidad halto y hopi excitante. E biaha aki e premio di e wega aki, cu Nacional ya clasifica pa final, ta pa e di dos lugar riba tabla di posicion den e Playoff aki.

Estrella hungando sin dos hungador clave manera Phaedrick Baromeo y David Dubero, ta cuminsa e wega bastante fragil y sin creatividad den medio campo. E prome parti di e prome tempo tabata tur Dakota, e wega casi nunca a pasa midveld pa Estrella den e tempo aki, e Dakoteronan den control, haciendo pressing na midveld, Estrella en cambio a cuminsa dal duro, kizas den desesperacion of tratando na kibra e wega di Dakota.

Dakota toch no a probecha mucho cu e falta di presencia di Estrella den medio-campo. Despues di a purba cu tur cos Dakota, apesar di varios bon chens, despues a manera cuminsa bira slordig den nan ofensiva, atrobe indicando impaciencia. Asina mes apesar di e dominio posesional y territorial di Dakota ta Estrella a haya dos chens mas cla na 15 minuut pa medio di Alex Hassel y na minuut 30 pa Jean Pierre Van der Linden, cu a haya su so cu portero Eric Abdul cu a salba su porteria na ultimo seconde, dos oportunidad cu por a cambia e cara di wega tempran caba.

Den un wega slordig cu hopi tension, referee a haya su mes cu man yen pa controla e wega, kaarchinan a cuminsa cay tempran caba, un indicacion di kiko ta bai bin mas laat. Despues di hopi 'toma y dame' den e ultimo parti di prome tempo, unda no tabatin dominio di un riba otro, e wega tabata mas bien un wega mahos, impreciso y duro fisicamente, halftime a yega asina sin gol.

Den e segundo tempo Dakota a cuminsa cu mas organisacion den nan atake, algo cu tabata falta apesar di e debilidad den medio campo di Estrella, a cuminsa mihor toke di bala en vez di tira dilanti y core, ademas di e tironan sin destino. Asina mes Dakota no a convence, iniciativa nan tabata tin si, y control di bala, pero nada preciso, toch nan chens a yega na minuut 54, despues cu nan a haya un tiro di skina cu a keda rebota dilanti gol, sin por a wordo saca pa e defensa oranje, e bala a cay den

pia di Ezra Bosnie cu no a pordona y a haci un tiro duro pa anota e gol di bai ariba pa Dakota, mercedi si.

Estrella no a responde bon, ta parce nan a bay flat despues di e gol di Dakota, creacion tabata tin poco pa nan, ta de vez en cuando cu Norvianel Naar y Jean Pierre Van der Linden tabata scapa dilanti pero ora yega di pone e bala den net ta nada un pasa.

Dakota ta sigui busca e di dos gol, Ricky Hodge, cu a esforsa su mes hopi den e wega aki, a hera di anota un gol di 'Chalaka' na minuut 55, esey lo tabata un joya di gol si el'a dreanta.

Ironicamente ta Dakota tabata manera perde cabez apesar di e bentaha den un wega asina significante. Carchi a cai masha hopi mes den hopi instancia pa ambos ekipo, hopi pa protesta pero tambe pa wega violento. E wega atrobe a bira hopi slordig, Dakota mas cu bala pero sin precision y Estrella a cuminsa contra ataca pero atrobe sin yegada peligroso. Na minuut 66 Dakota a amplia e resultado cu un gol di Robert 'Killer' Francis pa haci e wega 2-0 pa e Dakoteronan.

Estrella cu ya tabata atras den marcacion y tambe debilita enormemente den nan wega mes a haya mas mal noticia na minuut 75, ora cu Alex Hassel a haya un stret kaarchi cora pa wega violento cu a haci cosnan mas dificil ainda pa e 'Naranjadan' Asina mes cu ventaha numerico Dakota no a sabi di probecha y a sigui cu nan wega eratico por bisa. E yegadanan nunca a cristaliza pa mas gol. Despues Estrella den persona di Norvianel Naar a haya nan di dos kaarchi cora na minuut 80, tambe pa wega violento, algo cu no ta caracteristica di Estrella. E "amarillo di Dakota" awor tabata tin tur chens pa amplia e anotacion y mehora nan "doel-saldo" den comparacion cu Estrella cu awor lo tin e mesun cantidad di punto riba tabla, pero envano, nada a bay bon cu e proposito ey.

Dakota a sabi di ataca, un poco mihor den e ultimo 5 minuut di wega contando tempo di descuento, pero un poco laat, e wega a caba 2-0 mes, un wega cu a merece mihor, desapunto pa Estrella, pero tambe pa Dakota, apesar di e victoria significante aki, pa e chensnan



perdi pa amplia nan ventaha di gol riba Estrella den caso di empate den puntuacion.

Ta interesante y tambe preocupante pa wak kiko ta bay pasa den e ultimo dia di Playoff 2017-2018 e siman cu ta bin. Den opinion di Futbol Aruba ta importante pa hunga e weganan di e siman cu ta bin, na mesun tempo, un wega na CDGT na Dakota y e otro na CDEFF na Noord, pa evita cualkier conflicto di interes, esaki t'e situacion.

Nos 'man of the match' den e wega

aki ta Ezra Bosnie di Dakota pa su empeño riba cancha y su wega den defensa protegiendo e linea final di Dakota.

Dakota y Estrella ta awor empata cu 7 punto riba tabla, Nacional a clasifica caba, Britannia ta elimina caba. E weganan di e siman cu ta bin, riba papel no tin significado pa ambos ekipo, mientras cu e ta si hopi importante pa nan contrincantenan e siman aki, Dakota y Estrella, nan clasificacion pa final ta den wega, ban wak.

Aruba Bank y Telearuba a uni forza Prome wega di FIFA World Cup 2018 presenta den gran forma



ORANJESTAD, Aruba – 14 di Juni 2018: Diahuebs mainta a inicia FIFA World Cup 2018 y Telearuba a transmiti en BIBO e prome wega entre Rusia y Saudi Arabia for di e cantina di Aruba Bank. Tanto Aruba Bank como tambe Telearuba ta masha contento di por a trece e prome wega pa pueblo di Aruba via television y cu naracion na papiamento.

A invita un grupo di baluartenan di e deporte rey pa mira e transmision y a pasa un rato agradabel. E evento di transmision di e prome wega den e

cantina tabata uno exitoso, cual luga a keda transforma completamente den un studio pa Telearuba.

Tur hende a disfruta di e mainta aki, especulando cua team lo bira campeon e aña aki y si Alemania lo mantene nan titulo. Aruba Bank y Telearuba ta feliz di a trece e fanaticonan hunto y specialmente e gran hungadonan local cu a laga nan marca den nos historia di futbol, pa asina mira y sigui e desaroyo di e FIFA World Cup 2018.

Oracion di Dia

Feliz siman rumannan cu e siman aki ta fructifero yena cu cosnan positivo.

Tata Celestial nos ta gradici Bo pa un siman nobo, un dia mas cu nos tin e privilegio di disfruta di dje. Duna nos e forza y perseveranza pa sigi lucha apesar di tur contratiempo. Guia nos tur momento pa nos haci

nos maximo ezfuerzo pa nos por mantene nos na Bo leynan y mandamentonan. Pordona nos tur momento cu nos no a agrada Bo cu nos comportacion. Sigi tene Bo man di misericordia riba nos den tur nos dolornan, angustia

y problemanan. No laganos desanima ora pruebanan duro ta presenta den nos caminda. Brasa nos cu ta Bo yiunan y consola nos cu Bo lenso di misericordia. Danki Tata pa seucha nos humilde oracion pa medio di Cristo nos Señor. Amen.

SERVICIO Y COMPRA

Santa Cruz BARBERSHOP
Mon-Fri: 8AM-9PM • Sun: 9AM-6PM
T1.600-6673 • T2.592-1880

Professional tattoo

Pro Tattoo 2
Santa Cruz 36 - A
Tel: (297) 533 6602 - Cel: (297) 593 3946
f Oscar Vidal @PROTA2AUA

POWERLIFTING + BODYBUILDING
WARRIORHOUSE
GYM

Situa na
Santa Cruz 266
Tel: 566-4478

HAIRCUTS • LINEUPS • FADES • STRAIGHT SHAVES • DESIGN

FRESH CUTZ BARBERSHOP
OPEN FROM MONDAY - SATURDAY 8:00 AM - 8:00 PM
OPEN ON SUNDAY FROM 10:00 AM
SANTA CRUZ 103 - LOCAL 1
585-0121 747-0121
f @FRESHCUTZBARBERSHOP

TA HUUR


HOME SWEET HOME
REAL ESTATE VBA
TA HUUR:
UN APARTAMENTO
DI 1 KAMBER
PA 1 PERSONA
COMPANASHI,
ALF 750,=
MAS 1 LUNA DI
DEPOSITO ,
NO MUEBLA
EXCLUSIVO, JAMA:
ASHNA, **592.9966**

TA BUSCA

Pa cumpra
cas, e por ta
den mal
estado.
yama na
5946797

Sudoku

	7	4						
							5	
6			1		8			
	5		4			9		
	8	6	2	1				
4		9		5	3	1		
	6		3	8				7
3		1		7	4			5
	4		5			6		

LABERINTO**Pa bo
matanan**

ta berde i bunita
gordura di bon
calidad
alf 8- pa saco
grandi
cu compra di
10 saco
nos ta
delever gratis
•Tel **5926209**

TA BUSCA

Cas pa huur
den
Sta Cruz ,
Paradera ,
Hooiberg
Boso ta desea di
huur boso cas.
Yamami na
5946797

TA BENDE

Nissan Platina
2005 std
pa 2000,- fl
gekuur
te 2020
tel: **5847065**

AIRCO

"Special"
pa service di airco pa
solamente Alf.85,=
yama nos awe mes,
servicio liher y
garantiza cu
techniconan
certifica.
Yama:
740-7158
5653232

CONSTRUCTION

Ta hasi trabow
di coriente, Verf ,
Welder , Metsla ,
Carpinte
Drecha dak ,
Plumming,
haci cura limpi y
corta mata
Yama: **5608568**
7423717

TA BENDE

Edificio comercial
situa na Sta Cruz,
conoci como
Rowigini's y su
complex
di apartment.



Resultado di Number

LOTTO MERDIA 16 DI JUNI

CATONCHI
Sorteo # 2240
6441
4132
9685
BIG 4
Sorteo # 2240
3377
TDFF
Sorteo # 296
2595
ZODIAC
Sorteo # 2240
2205
Sagitario

TA BUSCA

Security Guard
masculine, edad
entre 25-45 aña
MAVO diploma o
enseñansa equivalente.
Mester por papia y
scirbi pap/ hul/
ing y spaño

Info yama oficina
entre 8am cu 4 pm
TEL 588-3677

TA BENDE

Pa mata nan fuerte
y berde
Gordura di
bon calidad Afl 8,00 pa
saco randi.
Nos ta deliver riba 10 saco
Pa mas info yama
592-6209

DIARIO

17 DI JUNI
1. 7527
2. 6841
3. 0890

SUPER 4
3363

CURACAO

17 DI JUNI
1. 7435
2. 3941
3. 6044

Flamingo

17 DI JUNI.
1. 8842
2. 0220
3. 4571

**PUEBLO A HAÑA SU
PEN BEK**
Pa kualkier informacion
solodipueblo@gmail.com
of
585-9500

TA HUUR

Cas na Pos Chiquito
4 kamer/baño cura sera
cu hopi
lugar pa parkeer. Bon pa
oficina
of residencia. Serka di
caminda
Afl 2500,00 pa luna
Pa mas info yama
733-1201

LOTTO MERDIA 17 DI JUNI

CATONCHI
Sorteo # 2241
4283
6861
1258
BIG 4
Sorteo # 2241
0233
TDFF
Sorteo # 297
5593
ZODIAC
Sorteo # 2241
5273
Tauro

TA HUUR

Apartamento
na Seroe
Colorado. 2
kamer cu
airco / banjo /
cushina
sala comedor.
Interesadonan
por jama
5698007

VERF DAK

Painting
Welder
Roofing
Carpentry
All in one bon
prijs

pa mas info
yama
6309246




JUNI 17

04 05 06 07 19



JUNI 16

01 03 08 20 30 17 E



JUNI 15

11 12 17 24 02



JUNI 15

11 12 17 24 02

SERVICIO SEPTIC

Servicio di Septic Tank – Chica Pos
Yos Septic Tank
Tel: 566-6144 / 748-2689
Yos ta yega mesora y sigur!



TA BUSCA

Security guard
Part Time, musculino,
edad entre
25-45 aña. Mester
tin Mavo diploma o
enseñansa equivalente.
Mester por papia y scirbi
papiamento, hulandes,
ingles y spaño.

Mester por tin propio
transporte.
Interesadonan
por yama oficina entre
08.00-16.00 pa un cita.
Tel. 5883677

JAZZ

**JAZZ Piano
School**
21 Buki tur
informashon
pa bira Jazz
Piano Player
pa afl 460,00.
Tin cupo
pa piano les.
Pa INFO yama
5608629

Aruba Softball Bond ta felicita Jason Orman, Kelvin Silvania y Filbert Thiel cu a conquista Medaya individual den campeonato di CONSURSA



Aruba Softball Bond a prepara un seleccion desde Februari pa un campeonato di CONSURSA cual a tuma lugar na Monteria Colombia e promer dos simannan di Juni. CONSURSA pa promer biaha den historia tabata tin un campeonato di un nivel super halto cu 11 pais participando cu un total di 220 atleta bon prepara garantizando cada pais 10 wega minimo den e promer ronda. E Alcalde di Monteria Sr. Marcos Daniel Pineda a duna nan maximo cooperacion den gran forma pa por a realisa e campeonato aki usando

un total di 3 stadion. No obstante cu Aruba no a logra clasifica den e 4 mihornan pa bay playoff Aruba a logra gana 3 wega contra Peru, Brasil y Argentina mientras Aruba a perde weganan preta cu entretro Panama (2-1), Ecuador (1-0), Venezuela cu a titula campeon (5-3), Colombia cu a termina na di 4 puesto (4-2) pa nombra algun. Venezuela ta derota Argentina den e gran final pa titula campeon mientras Republica Dominicana kende a clasifica na promer lugar cu 10 victoria y 0 derota ta wordo derota dos biaha den page system playoff contra Argentina y Venezuela y a caba na di 3 lugar. No obstante esaki CONSURSA na final di e evento a saca hungadornan cu a destaca individual durante henter e torneo. Paisnan tabata hopi impresiona cu e progreso di Aruba y henter torneo por a scucha palabranan di elogio di dirigentenan grandi manera di Argentina, Cuba, Venezuela, Republica Dominicana pa e softball cu Aruba a brinda primordialmente den su defensa y pitcheo cu a impresiona. Aruba ta logra 3 Medaya individual. Di

ful e torneo a saca e "Best Infielder" cual premio a bay pa Jason Orman cu a fildea 10 partido impecable den short combirtiendo algun hungada sencacional na momentonan crucial como out. Contra Colombia ta backhand un bala cu etiketa di hit y ta rifla home pa saca un out importante. Contra Argentina ta saca un out na segunda y bira tira home pa coy e coreador cu a ranca bay home y asina por nombra algun hungada. "Best First base men" di henter e torneo a bay pa Kelvin Silvania kende alaves a conecta e cuadrangular di mas leew di e torneo contra Cuba di alrededor 375 pia. Filbert Thiel tambe a conquista un medaya como e "Best outfielder" di e torneo cu algun hungada sencacional sin comete ningun error. Giandrick Lacle a sali na di 2 lugar tras di un hungador di Venezuela cu 10 RBI unda e Venezolano a bay cu e medaya cu 11 RBI. Aruba ta progresando y a gana e respet internacional. ASB ta gradici Subsidie Commissie, Coaching Staff, Delegadonan Chipen Chirino y Andresito Krozendijk, sponsersnan y tur cu a duna nan granito di arena pa por a realisa e biahe aki y mas cu klaro nos atletanan kendenan a hunga cu amor grandi pa nan patria batayando te final cada wega. Pabien na Jason Orman, Kelvin Silvania y Filbert Thiel cu na medaya individual cual sigur ta un logro grandi pa Aruba unda individualmente Aruba a gana mas medaya cu tur otro pais. PABIEN!!!!

TA BENDE

UN AUTO
1990 Toyota
Corola blanco
Standard full
overhaul
bateria nobo
Afl 800,00
Cell:741-0123
(Ta core pone bo
number
y bai cune)

TA BUSCA

Pa cumpra
un Cabai
manso
Tel: 7412419

TA BENDE

Store display table
For sale!
700,- florin

Si bo ta interesa
pa cumpra, por yama na

748- 8280



PRONOSTICO DI TEMPO VALIDO TE DIALUNA 18 DI JUNI 2018

COMPILA:

DIADOMINGO 17 DI JUNI 2018 17:00 (21:00 UTC)
ATT: UN ALERTA PA BIENTO DURO Y LAMA
LOCALMENTE BRUTO TA NA VIGOR...

TEMPO:

AWE ANOCHI: LEVEMENTE NUBLA I
GENERALMENTE SECO

DEN MARDUGA I DIALUNA: PARCIALMENTE
NUBLA CU UN AWACERO PASAJERO
TEMPERATURA MAXIMO 33 GRADO CELSIUS Y
TEMPERATURA MINIMO 27 GRADO CELSIUS.

SOLO LO BAH AWE NOCHI 07:06 PM Y LO
SALI MAYAN MAINTA 06:15 AM.
BIENTO: MODERA TE FUERTE FOR DI
GENERALMENTE DIRECCION OOST;

FORSA 4 TE 5 (20 TE 39 KM/ORA, 11 TE 21 NUDO)

DEN DIA FUERTE TE DURO, POSIBLEMENTE
HOPI DURO DEN RAFAGA;

FORSA 6 TE 8 (40 TE 64 KM/ORA, 22 TE 35
NUDO)

SITUACION GENERAL DI TEMPO:

DEN PROXIMO 24 ORA HUMEDAD DEN
NIVELNAN MAS ABOU DI ATMOSFERA LO POR
PONE

UN AWACERO CAI LOCALMENTE.
DIFERENCIANAN DI PRESION DI AIRE DEN
CARIBE CU

TA CAUSANDO UN BIENTO DURO DEN REGION,
LO DISMINUI UN POCO DEN COMIENSO DI

E SIMAN AKI.
CONDICION DI LAMA:

OLANAN DI LAMA LO TA FOR DI DIRECCION
OOST CU HALTURA DI 5 TE LOCALMENTE 8

PIA; E OLANAN DI MAS HALTO LO TA
NA COSTANAN OOST, NOORDOOST TE
NOORDWEST

DI E ISLA. TA SUPLICA OPERADORNAN DI BOTO
CHIKITO PA PROCEDE CU CAUTELA
RIBA LAMA HABRI.

FENOMENONAN SPECIAL: NINGUN
TEMPO TROPICAL SIGNIFICANTE: NINGUN

POTENCIAL DI AWACERO PA PROXIMO 24 ORA:
1 MM; LOCALMENTE POR TA MENOS
REGISTRACION DI TEMPERATURA (CELSIUS) Y
AWACERO (MM) DEN

ULTIMO 24 ORA:
AIRPORT MAX 31 / MIN 26 / 0.0
PRONOSTICO DI TEMPO PA PROXIMO DIANAN
DI SIMAN:
PARCIALMENTE NUBLA CU UN AWACERO
PASAJERO.

BIENTO LO TA FOR DI DIRECCION OOST I
MODERA TE BASTA FUERTE;
DEN DIA FUERTE TE DURO DEN RAFAGA;
TEMPERATURA MAX / MIN LO TA: 33/27

E PROXIMO BULLETIN LO WORDO PUBLICA
DIALUNA 18 DI JUNI 2018 17:00 (21:00 UTC)



Brasil ta trompica dilanti Suiza



Brasil no por a pasa for di e empate contra di Suiza den su debut den Mundial (1-1), y aunke evidentemente su opcionnan a keda intacto, e sensacionnan cu e ekipo di Tite a laga, a keda cu poco tocada na wowonan neutral. E seleccion lidera pa Neymar, a sali pa un choke, esey si, cu un gran ritmo di wega y den e di 20 minuut Coutinho, for di pafo di e area, a pone e bala den un escuarda robes di e porteria Suiso pa e deleite di e grada. Tras di e gol di e hungado di Barcelona, e partido a perde den intensidad. E falta di ocasion y ritmo lento a keda mantene te na momento di descanso. Brasil a cuminsa francamente bon, pero algo a invadi e Canarinha, cu a mira con

den e di dos mita di wega, tur cos tabata scapa manera awa den man. Den e reanudacion, Brasil no por a controla e partido y den minuut 50, Suiza a probecha un fayto defensivo di Miranda pa Zuber manda un solo cabezasao y pone e scoreboard riba un empate, den un accion unda cu perfectamente por tabata un falta. Suiza tabata comodo cu e bala y Brasil, pura pura, no por a haya un Neymar desapareci den henter e encuentro. Brasil tabta tin tres ocasion bon cla den e ultimo instantenan, pero no por a haya porteria. Cu e resultado aki, Serbia (3 punto) ta lidera e grupo E, tras su victoria (0-1) contra Costa Rica (0 punto),

mientras cu Brasil y Suiza ta keda cu un punto cada uno.

E otro weganan

Pa loke ta e otro partidonan nos ta haya Suecia y Republica di Corea, cu lo enfrenta otro pa e Grupo F, 8'or di mainta den Nizhny Novgorod Stadium, na Nizhni Novgorod. Sigui pa 11'or di mainta unda cu Belgica lo enfrenta Panama pa Grupo G, den Fisht Stadium na Sochi y finalmente pa Grupo G, Tunesia lo enfrenta Inglatera pa 2'or di merdia den Volgograd Arena, na Volgograd.



Francia a derota Australia cu VAR como protagonista



Sin briyo pero eficaz, e seleccion di Franca a start sali diasabra e Copa di Mundo di Rusia 2018 cu un victoria preta riba Australia (2-1), yuda pa tecnologia - e pitaso den e prome pinalty cu VAR den un Mundial - y suerte. Asina a cumpli e pronoticonan den Kazan y Didier Deschamps, aunke di ta poco amigo di revolucionnan, el a move di ariba bay abao e oncena di ekipo, apostando riba hubentud y pa e tridente ariba forma pa Griezmann, Mbappe y Dembele. Cu Griezmann paga y Dembele den otro di su dianan malo, solamente Mbappe a purba di jaag pa algun bala riba lomba di e centralistanan Milligan y

Sainsbury. E audiencia di Sidibe y Mendy den e lateralnan - tabata titular di e reconvertidonan Pavard y Hernandez - a haci cu e wega di "Blue" a concentra, sin exito, den e centro.

Si Francia tabata di mas pa menos, Australia tabata di menos pa mas. Tabata e "Socceroos" lidera pa un gran Mooy, loke a gosa di e miho ocasion di e prome 45 minuutnan, ora cu un centro di "10" a toca Tolisso y na e punto tabata di introduci su propio porteria. Entre e gritonan di Ole di e fanatico di e Aussiesnan, e muchanan di Van Marwijk a logra haya e prome di nan obhetivonan: Anula Francia y yega cu bida pa e

descanso (0-0).

Den e di dos mita tabata un otro storia, cu mas ritmo di ambos conhuntito y participacion destaca pa tecnologia, cu a bay na favor cu e galonany a castiga un Australia balente. VAR, e arbitro asistente di video, a dreña via e porta grandi den Rusia y den e di 58 minuut, a yuda na pita pa un penalty pa falta di Risdon riba Griezmann cu a pasa di halto un poco antes.

E alegria den e campamento Frances a dura poco. Tres minuut exactamente, e tempo cu e arbitro a tarda den pita un otro penalty. E biaha aki sin ayudo di VAR, ya cu e accion di Umtiti tabata mas cu cla. E defensa di Barcelona,

den otro di su desconcionnan a lanta inexplicablemente na man den un centro di Mooy y a desvia su trayectoria. Penalty cu no a faya Mooy pa desata e locura entre e Australianonan.

Deschamps a desarma su tridente ofensivo pa duna entrada na Giroud y Fekir pa Griezmann y Dembele, respectivamente. Tampoco Francia a mehora, pero suerte a uni na nan y for di nada a saca oro. Den e di 80 minuut, ora cu e partido parece di a encamina e empate, un triangulacion den e balcon di e area a caba cu un semi-remate di Pogba cu a toca na Behich pa duna Francia su prome tres puntonan na Rusia.



Resumen Copa Mundial Russia 2018, Diasabra

Copa Mundial Russia 2018 ya caba ta den full swing, unda cu weganan pa fase di grupo ta tumando lugar y sorpresanan ya caba a cuminsa cay. Diasabra tabata tin un total di 4 wega y den e siguiente relato lo trece resumen breve di con e weganan a bay y resultado di cada wega.

Francia vs Australia:

Prome wega di Diasabra tabata entre ekipo di Francia y ekipo di Australia, un wega cu ora local a cuminsa trempa pero basta interesante.

Ekipo di Francia cu un ekipo basta hoben a presenta pa enfrenta Australia y sigur a sa di duna ekipo Frances hopi dolor di cabez den prome mitar, a haya algun chance pa anota prome gol, pero keeper di Francia a traha duro pa mantene su gol limpi.

Den di dos mitar, pa prome biaha den e torneo aki a haci uso di VAR (video assistant referee) pa detecta un tiro penal pa Francia, caminda cu Antoine Griezmann a sa di anota, despues a toca turno na Australia pa haya un penalty na nan favor caminda cu Mile Jedinak a empata e wega.

Faltando algun minuut pa e wega termina Aziz Behich di Australia ta anota un autogol y ta duna Francia e ventaha di 2-1, asina tambe e wega a termina cu score di 2-1 na favor di Francia.

Argentina vs Iceland

E di dos wega di Diasabra tabata entre e sub campeonan di 2014, Argentina cu a midi forza cu ekipo sorpresa di Copa Europa 2016, cu ta Iceland.

Prome cu e wega a inicia, ya caba hopi comentaristanan a bisa cu Argentina no lo tin e wega aki facil ya cu Iceland ta conoci pa tin un bon defensa.

Argentina na di 19 minuut a tuma ventaha den e wega aki cu score di 1-0 cu un tremendo gol di Sergio "El Kun" Aguero, pero e alegria di Argentina no a dura mucho y na di 23 minuut Alfred Finnbogason ta empata e wega 1-1.

Den di dos mitar Argentina ta haya un penalty, pero aki e mihor hungador di mundo aclama pa hopi hende, Lionel Messi no ta logra anota e gol ya cu e keeper di Iceland a escohe e skina correcto y ta saca e tiro afo.

Asina aki e wega a termina cu score empata 1-1.

Peru vs Denmark

E wega entre seleccion di Peru contra di Denmark sigur tabata un wega emocionante for di comienzo te final, pa hopi hende Peru a demostra mihor wega di futbol, a ataca constantemente den prome mitar, a haya chance pa tuma ventaha, pero no a probecha di esaki, tambe ta haya un tiro penal na di 45 minuut, pero Christian Cueva a tira malo y e bala a pasa over di e gol.

Den di dos mitar, Denmark a haya un oportunidad y nan si ta probecha di esaki y ta anota un gol pa medio di Yussuf Poulsen.

Peru a haya varios chance pa empata e wega pero no a logra y asina e wega aki a termina cu score di 1-0.

Croatia vs Nigeria

Ultimo wega di Diasabra tabata entre Croatia y Nigeria, sigur un wega hopi interesante, mirando 2 estilo diferente di hunga futbol di ambos seleccion.

Croatia sigur a mustra superior contra ekipo Africano y pa medio di un auto gol di Oghenekaro Etebo ta bay ariba cu score di 1-0. Den di dos mitar Croatia ta haya un tiro penal y aki Luka Modric ta haci e wega 2-0 pa Croatia kende



tambe ta logra bay cu e victoria cu score di 2-0.

Asina tambe e dia a termina cu 4 wega di futbol, pa hopi fanatico, Argentina mester a forza e wega

mucho mas pa gana e wega, mientras cu fanaticonan di Peru cu lagrima na wowo a mira derota di nan seleccion cu a hunga mihor futbol, pero no por a yega na e gol.